
RAGAD ADVERTENTIE:

Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris;
(apes: f 1,25).

Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.

Hoofdredacteur:

B. S O E M A R N A

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA

1 taoen . . . f 6,— } njoewoen kabajar
1/2 " . . . f 3,— } roemijin.
3 woelan . . . f 1,50 }

Adrèsipoen Redactie lan Administratie

IGNATIUS - COLLEGE

DJOKJAKARTA.

Telefoon no. 885.

Drukkerij „Canisius“ Djokja.

**POESAKA RAH DALEM
ING BOXMEER.**

Sambetipoen Sw. Tm. No. 32.

Ombjaking tijang.

Manawi pinoedjoe grebegan ka-
dos kaseboet ing ngadjeng poenika
ing Boxmeer ramé sanget. Lesmèn-
lesmèn laris, sasat bandjir bir. Bir
poenika kénging dipoenwastani tjao
nagari Welandi. Tijang ing Brant-
bant lan Limburg dasar sampoen
kalok remen minoem, mangka pi-
noedjoe grebegan, dados inggih ngi-
ras ngaléolejah. Saminipoen: sadèrèk
Ngajodja manawi désémberan, bak-
da Mis daloe, teroes ndèrèk mis
Kranggan. Leresipoen poenika radi
kirang prajogi, ananging kados-po-
endi malih; kabingahan kasoeckman poe-
nika wentaripoen soemrambah ing
wadag. Prajoginipoen makaten ing-
gih ladjeng mantoek, wonten grija dja-
gongan poenapa kados-poendi . . .

Makaten oegi tijang ing Boxmeer,
manawi pinoedjoe socka-soeka, peng-
nganipoen inoem-inoeman. Ana-
nging tijang-tijangipoen èstri ingkang
kaepeng anggènipoen sembahjang,
langkoeng-langkoeng tijang ingkang
sami soedjarah, sadinten moepoet
sasat wonten ing Grédja kémawon.
Tetijang ingkang sami soedjarah pa-
datanipoen medak saking sepoer,
teroes dateng Grédja, irid-iridan ndli-
dir, toeroet margi menjani. Tjara
roemijin tjarijosipoen kadh ingkang
darat, sanadjan grijanipoen lampahan
satengah dinten oetawi sadinten.
Sawenèh malih wonten ingkang se-
patoenipoen kadjeng mawi dipoen-
isèni krikil, kanggé tirakat. Temtoe
kémawon soekoe inggih rentjem.

Jèn sampoen sami doemoegi Gré-
dja, ladjeng sembahjang wonten
ngarsaning poesaka Rah Dalem.
Poesaka waoe kapasang ing grijan
alit kaseboet ngadjeng, wonten ing
bangkoe inggih kapadjang-padjang,
ing ngadjeng kapasangan lilin.

Ing tanah Djawi tijang soedjarah
poenika padatan sami mbekta sekar
borèh kalijan sèla menjan. Jèn ne-
gari Welandi sadjènipoen woedjoed
malam badé lilin, kaebjokaken ing
ngarsaning poesaka. Roemijin tjari-
josipoen tijang ingkang soedjarah,
kadh ingkang sami ngoebengi dam-
paring poesaka kalijan mbrangkang,
kados tijang Djawi manawi tirakat
ngoebengi ringin koeroeng Ngajodja
oetawi Soerakarta poenika. Samang-
ké padatan ingkang kados makaten
poenika sampoen boten toemindak.
Wontenipoen sapoenika anggènipoen
nglairaken soengkemipoen dateng
Rah Dalem, namoeng noetjoep.
Éwasamanten koela samerep ang-
gènipoen sami sembahjang oetawi
anggènipoen katingal mrelokaken
sanget, manah kapranan. Tetijang-
ipoen kiji-kiji katawis sajah, wonten
ingkang ngaso satjelaking Grédja,
ngadeg oetawi linggih koersi kalijan
mangkoe anakipoen, njanding boen-
talan, bokmanawi lilin. Tijang kados
makaten poenika kristenipoen tem-
toe sampoen ngojod saèstoe!

Manawi pinoedjoe arak-arakan
makaten poenika, bango-bango, oe-
tawi tijang dasar djadjanan inggih
wonten, saja roemijin; wonten ing-
kang sadé dolanan poenapa, dados
kados sekaten. Taoen poenika bango
boten kadh. Bango negari Welandi
poenika ingkang dipoendamel blabag,
pajon sèng pisang-salirang, wonten
ingkang namoeng mota dipoendjè-
rèng, toeroet pinggir margi. Déné
ingkang mandé djalar wonten, èstri
inggih wonten. Woedjoeding da-
saran warni-warni, roti, tjemplon
inggih wonten, woh-wohan lss.

Prakawis panganggé toemrap tijang
djalar sami kalijan Landi-landi tanah
Djawi, nanging rasoekan toetoe
boten wonten. Badènipoen ratjak
bangsa wol oetawi dril. Tijangipoen
èstri wonten ingkang tjara modern,
tegesipoen: sarwa tipis lan doemoegi
dengkoel kados njonjah tanah Djawi;
wonten oegi ingkang tjara kina
i. p.: rok tjemeng, broekoet, doe-
moegi kemiri, lengenan doemoegi
oegel-oegel, mawi kados kopjah soe-
tra petak, dipoenwiroe ngantos ndje-

babab kados tjaping ing wingking
tirah dawah ing geger, jèn dipoen-
sawang saking katebihan kados sre-
ban kadjji.

Bab pasemoning tijang inggih
warni-warni, wonten ingkang sadjak
sigrak-sigrak kados Landi ingkang
wonten tanah Djawi, wonten ing-
kang limrah, wonten oegi ingkang
koeloeh-koeloeh pating ketotor, ma-
wi sepatoe kadjeng.

Tjekak aos ombjaking tijang ramé
sanget. Moerih terangipoen para
maos koela atoeri mrelokaken mir-
sani pijambak. Mangga sadèrèk Se-
minarie, sinten ingkang kepénging
mirsani, koela atoeri tindak dateng
Boxmeer. Éstoe kok! saé sajektos
temenan!

Noewoen:
fr. Dionysius O. C.

ECONOMIE.

MESAKAKEN.

Anggèn koela mastani awis jatra
ing Sw.Tm. no. 21 samangké saja
tjeta ketingalipoen, jèn nitik kawon-
tenaning para dagang. Tandanipoen
reregèning barang samangké mirah
sanget jèn katanding taoen kapeng-
ker. Kadosta:

kopi th. '28 reginipoen ndalem
1 datjin f 55.—
„ '29 f 45.— '30 f 20.— f 26.—
sata „ '28 prasad boten padjeng.
„ '29 doemoegi f 85.— '30 f 30.—
gabab krètèk th. '29 1 datjin
doemoegi f 4,50
sapoenika namoeng f 3,20.
djagoeng th. '29 doemoegi f 4.—
„ '30 namoeng f 2.—

Djagoeng poenika damel soesah-
ing kanta tani ing ngredi djalaran
pamedalipoen soeda, reginipoen
mlorot.

Tjatetan koela bab reregèning
barang poenika mirid omongipoen
satoenggiling bakoel ageng dateng
koela.

Mila jèn njata mekaten genah
inggih mesakaken kanta tani lan
dagang alit-alit.

Ing Grabag kadh soedagar koe-
wadéjan ingkang asring mandé da-
teng peken Ngablak oetawi Pingit.
Grabag — Ngablak ± = 7 pal.
— Pingit namoeng 4 pal.

Pambektanipoen dagangan temtoe
tjoetjoel wragad. Ingkang sadé da-
ngan wonten ing peken temtoe
nedanipoen. Mlampah mantoek
boten tjekap wragad f 1. Nanging
wonten peken presasat boten pepa-
djengan, malah terkadang woedoe
saèstoe. Menawi dipoenawisi tijang,
bati 1 ketip kémawon kasoeckakaken,
malah terkadang boek kémawon sam-
poen énggal¹ kaetjoelaken, djalaran
selak sijang dèrèng angsal jatra
kanggé wragad pambektanipoen.
Mila manawi saking grija boten
ngandoe jatra pijambak, boten saged
djandjan jèn namoeng ndjagèkaken
bebatèn oetawi pepadjengan.

Oepami 1 pekenan padjeng 1 oet.
2 pengaos f 5,— poenika wragad lan
djadjanipoen taksih kedah ngelong
saking pawitan, djalaran padjeng
sementan poenika batinipoen kirang
langkoeng namoeng f 0,50. Bisipoen
kémawon mlampah mantoek Grabag
— Pingit f 0,40. Kartjisipoen wonten
peken? Jèn kados makaten teroes
poenapa soedagar waoe boten badé
djatoeh? Manawi telas tedanipoen
poenapa boten sadé daganganipoen
kanti mirah-mirahan? Njengkakaken
ambroekipoen!

Mila sampoen maiben jèn wonten
bakoel sindjang pandjenengan toem-
basi nganggé jatra ringgitan kéma-
won boten saged noesoekil!

Gendis pasir roemijin regi f 10
oetawi langkoeng 1 datjin, samangké
namoeng regi f 5. Toewan pabrik
éman ngedalaken jatra kanggé mba-
jar para mandor. Kala woelan Juni
koela mireng mandor Kedjawn
(bawah Poendong) blandjanipoen
ingkang 1 woelan f 18 doemoegi
f 20, badé kalintoe gendis. Jèn ke-
lampahan mekaten saèstoe poenapa
mandor waoe kapoerih ngoentoeti
gendis? Kasadé?

Sampoen kadh ingkang sadé ka-
dos-poendi padjengipoen? Katando?
mBéndjing jèn malah mlorot? Kalijan
malih selak kateda.

Toewan pabrik anggènipoen gadah
réka makaten margi; panjadènipoen
gendis rekaoes, mirah. Jatraniipoen
bara-bara kanggé mbajar koeli pa-
dintenan.

Tinimbang ngèndeli mandor-man-
dor (boten kéténg kabajar gendis),
aloewoeng kalestantoenaken.

Jèn mekaten kawontenaning da-
gang, poenapa boten mesakaken jèn
Negari nijat ngindakaken paosing
para soedagar lan dagang?

Manawi margi paos para dagang
sami djatoeh ladjeng dos-poendi
talon kawontenaning pradja? Nijat-
ipoen pados indaking jatra djeboel
ingkang katarik sami ambroek wa-

naoe boekoe iki, akoe ora mawang sapa sing
noelis MAAR apa sing ditoeis.

Mitoeroet redactie Pengadjar, oegi pinang-
gih artikel ing „Persatoean Goeroe“ no. 19—
20. bab uitgewerkt leerplan moengel:

„Hoeroef Djawa itoe sesoenggoehnja haroes
selesai diadjarakan pada kl. I, tetapi kalau
melihat boekoe A. v. Dijk I t/m IV tentoe-
lah tiada tamat, itoe apakah sebabnja? Apa
djarnja pengadjaran jang koerang, atau isinja
boekoe jang terlaloe banyak? Boten mijam-
baki noen!!! Sebabnja?

Karena goeroe-goeroe beloem mendapat
handleiding atau petoendjoek bagaimana dja-
lan memakai kitab: Woelang Matja djilid I
sampai IV itoe.

Mangga para kanta goeroe, moempoeng
wonten handleiding-ipoen énggal karsaa moen-
doet. Tinimbang kerep dipoen. Ing katja
108 bab 11. Mengadjarlan 12 hoeroef legena

⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋
kedah saged ing dalem

⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋

1 woelan. (Selambat - lambatnja dalam 1 boe-
lan). Soemerep poenika wonten koela na-
moeng waaah! Sawoelan wonten 4 ming-
goe kedah 12 aksara. Dados 1 minggoe apes-
ipoen angsal 3 aksara. Manawi mitoeroet
handleiding waoe kok sakétja sanget. Sam-
poen kapétang mawi menitan poenapa. Tjo-
bi poenika polanipoen mérang wekdal, saben
moelang aksara énggal.

1. nggamin gambar ing blabag 3 menit.
2. nggatosaken oengeling aksara énggal
5 menit.
3. pados temboeng-temboeng ingkang won-
ten aksaranipoen énggal kados ingkang
mentas katerangkaken 6 menit.
4. nggatosaken wangoening aksara lan
nanding wangoening aksara énggal kalijan
wangoening aksara ingkang mentas dipoen-
woelangkaken 4 menit.
5. ngoelinkaken (oefening) pinten-pinten
minit.

PENGET! SAMPOEN DAWOEH NOE-
ROEN, inggih wonten ing blabag, inggih
wonten ing sabak. Saweg ngontjeki 12 aksara
1 woelan kémawon, sampoen roemaos mak
waaah! Pemanggih koela kok malah la-
djeng sakétja woelangnipoen embah roemijn:

⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋
enz. ladjeng ⌋ ⌋ ⌋ ⌋ ⌋ ⌋

⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋
sapitoeroetipoen.

Mangga para prijantoe handleiding waoe
sami kasinaoea ingkang saèstoe. Manawi (we-
gah njinaoe pijambakan prajogi sinaoe sesa-
rangan. Toemindakipoen kados-poendi sinaoe
sesarangan? Sarana vergadering P. G. H. B.
special bab roentoetipoen handleiding waoe.

Wah manawi dawah ing sekolahan ingkang
persènanipoen 15 minggah 25 poenika poe-
napa saged noetoeti kalijan ingkang persè-
nanipoen 1% doemoegi 5%. Dèrèng njoem-
merepi kawontenanipoen lèr klas I, ingkang
peng-panganipoen: tojan ngenggèn, klintoe
gripinipoen kémawon nangis, anoe — anoe
nangis. Saja manawi soemerep beleid para
inspekteerde ambtenaar poenika, sakoela
namoeng wegah ningali. Tijang kados-po-
endi? Laré klas I sampoen kawoelang patèn: sa-
ged njerat:

⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋
Sareng rawoeh dawoeh njerat:

⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋ ⌋
topi, gori, mori, enz. la, laré ladjeng panje-
ratipoen kados-poendi: ⌋ ⌋ ⌋ ⌋ ⌋ ⌋ ⌋ ⌋ ⌋ ⌋
enz. Inggih wonten ingkang leres. Jèn

sana boten saged pasok paos. Poe-
napa malah boten kodjoer? Mangka
para dagang anggènipoen oeroen
jatra woedjoed paos dateng negari
inggih boten sakedik.

Dagang poenika mila pantjèn pre-
loe toemrapping pradja, oegi toemrap-
ing rajat. Negari ingkang boten
gadab para soedagar inggih boten
soegih. Mangga mriksani kradjan
Djepang, Duitschland, Inggris! Malah
wonten negari ingkang gesangipoen
prasasat saking dagang kadosta:
Belgie. Mila menawi dagang bobrok
kok badé dipoentépani poenika
poenapa boten mesakaken? Haraa?
S. S. dh.

ONDERWIJS.

A. van DIJCK.

Ing wekdal samangké oemoemipoen pa-
moelangan Djawi — sek. doesoen, angka
11, standardschool, — waosanipoen djawi
pangkat I mawi serat „Woelang Matja“ ka-
rangnipoen p. t. A. v. Dijk kalijan R. Wig-
njadisastara.

Koela boten badé ngrembag serat waoe,
djer para maos ingkang golongan goeroe
sampoen sami paham menggah kados-poendi
kawontenanipoen serat WOELANG MATJA
waoe. Réhnè sampoen 3 taoen mlampah
poenika, manawi kainspekte temtoe badan
koela tampi panatjat, ingkang margi saking
woelangan maos ingkang kesangiten, mila
sanget prihatos, kados-poendi ichtijar koela
malih, sagedipoen moelangaken WOELANG
MATJA, A. v. Dijk I, II, III, IV, saged ka-
tam kawoelangaken ing 1 taoen wonten ing
pangkat I. Déné ingkang dados pangliopoer
koela, sareng njeloeh-njeloeh dateng pa-
moelangan sanès, setali tiga oewang, sami
déné boten saged nelasaken, ladjeng saged
ledjar. Keleresan sanget dèrèng wonten 2
woelan koela tampi boekoe saking Chef koela:
PENGADJAR soerat boelanan tentang pen-
didikan dan pengadjaran — Berisi Penga-
djaran membuatja, karangan p. t. A. VAN
DIJCK, ph. Inspecteur Inl. Onderwijs 5e res-
sort, Semarang. Nadruk verboden. Saweg
soemerep titelipoen PENGADJAR, koela
saged ladjeng mestani, bilih boekoe
waoe serat woelanan ingkang katoentoen
sad. SOEPARDI. Mila saèstoe, djeboel PE-
NGADJAR no. 6 Februari 1930 taoen II.

Sareng koela bikaki lan koela waos, isi-
nipoen gandem, sadjakipoen dados djalaran
ingkang saged mbirat karibedan koela moe-
lang maos Djawi wonten klas I. Sinten ké-
mawon ingkang boten badé bingah, déné
copie waoe midjil saking astanipoen p. t. A.
van Dijk, toer kawewahan katerangan ma-
lih saking Redactie. Anggèn koela maos Pe-
ngadjar waoe boten kados déné maos koran
oetawi roman, mila dasar koela sinaoe saè-
stoe. Namong nalika koela badé njinaoe wa-
oe koela rapali roemijin „nijat ingsoen nji-

naoewoen kabajar
roemijin.

Adrèsipoen Redactie lan Administratie

IGNATIUS - COLLEGE

DJOKJAKARTA.

Telefoon no. 885.

Drukkerij „Canisius“ Djokja.

ISINIPOEN.

Lembaran 1:
Poesaka Rah Dalem ing Boxmeer —
Mesakaken — A. van Dijk — Pa-
nglimbang — Kaloeng pangilon —
Njempal baoe — Tanggap sabda —
Oantjen sekar gambir melati —
Oerap - sari — Wawasan boekoe
— Correspondentie.

Lembaran 2:
Parepatan Commissie tata-tjara ing-
kang sapisanan ing Soerakarta —
Parepatan Maria-Medatrix Amba-
rawa — Parepatan oemoem K. W.
ing Blitar — Poenapa sampoen dja-
manipoen — f 30.000. Saking
Moskau?? — Saking Kedoengwoeni
S. C. S. — Grédja énggal — Woe-
langan gending ing N. S. Moentilan.

ning ngantos keladoek. Ingkang
ngendemi poenika boten namoeng
inoeman keras kémawon, sadaja
tetedan manawi keladoek panedani-
poen inggih ngendemi. Tijang neda
poenika moerih gesang, boten kosok-
wangsoel, tijang gesang anggènipoen
gesang namoeng badé neda, poeni-
ka kawalik.

Saoepami goeroe boten ngenggèni
doegi lan prajogi, poenapa saged
tijang sami négakaken anakipoen,
dipoenpasrahaken soepados katoen-
toen, soepados dipoenwoelang, di-
poenwarah prakawis ingkang prajogi.
Poenapa saged nagari masrahaken
kawoelanipoen, soepados ing akiri-
poen sami dados tijang ingkang
ngèstokaken anggering pamaréntah;
sami gesang tentrem, njikiri sadaja
lampah ingkang moerang ing leres,
nerak angger.

Bingah-bingah, ningali ingkang adi
aèng, poenika boten wonten awoni-
poen, oeger boten nilar pamatawis.
Maos koran-koran, boekoe-boekoe
ingkang ngewrat pitedah poenika
saé kémawon, sok oegi boten keka-
tahn, ngantos ngètèraken pandame-
lan ingkang kedah dipoen-garap. Sa-
nadjan boekoe ingkang kawaos poeni-
ka ngewrat piwoelang saé, ananging
manawi pamaosipoen anedjoni moe-
lang, inggih boten saé, awit poenika
boten mapan. Oeger boten ngawon-
aken koewadjanan tijang maospoenika
boten wonten awonipoen. Pangatos-
atos sarta nindakaken pamatawis
poenika andjalari gesang seneng lan
tentrem, gesang barès, boten king-
gilen, manah soemèlèh boten ngang-
sa-angsa. Doegi-doegi poenika mi-
djèni gadah panganggep dateng sanès,
boten gampil ngepak oetawi njepèlek-
aken kanta², oetawi ngemoenga-
ken padamelanipoen sesami. Ngeng-
gèni doegi² poenika boten kereng
keras tanpa tepa-tepa, malah-malah
welasan. Kekerasanipoen peper dé-
ning watakipoen ingkang mengkoe,
roemengkoeh. Tijang gadah doegi²
poenika sadoe sarèh, éwasamanten
boten kénging kawastanan lembèk,
kaadilaniipoen rinangkapan ing ka-
tresnan wasananipoen welasan, ageng
pangapoenteniipoen. Pandjaginipoen
dateng moerid roemengkoeh kados
bapa, asih tresna kados déné bijoeng.

Pamikiran poenika boten saged ka-
poerih mlampah kémawon, kala-ka-
la kedah dipoenasokaken, soepados
wening kraos seger. Mila sakolah
poenika nganggé ngaso poenapa,
awit laré-laré mila ambetahaken.
Sepoer ingkang pirantosipoen pra-
sasat awoedjoed tosan sadaja, ma-
nawi mentas djalan tebih, kèndeli-
ipoen noenten kapriksa, poenapa
wonten ingkang betah ngaso wonten
ing papan reparatie poenapa boten.
Ingkang otot tosan baloeng tosan
kémawon kala-kala kedah ngaso,
poenapa manoengsa boten ambe-
tahaken kèndel? Ngaso mila preloe.
Ananging poenika kedah dipoenwa-
tesi. Manawi ngasonipoen ngantos
kedangan, kèndelipoen kekatahen,
langkoeng saking betahipoen, kénging
kawastanan kesèd, seneng nganggoer
ing mangka nganggoer poenika ka-
tah sandoenganipoen. Para maos
tamtoe sampoen sami priksa pari-
basan nganggoer poenika dados ban-
talan sétan.

Badé kasambet.


JEN NIJAT, MESTI SAGED!

mBantoea
serat kabar kita

„SWARA TAMA”

djer poenika wontenipoen saking
golongan kita, saking kringet kita,
gadahan kita, oegi kanggé golo-
ngan kita


KATHOLIEK
INDONESIËRS.



MOELATA
LAN
KAGALIHAI

„SWARA
TAMA”

INDONESISCHE
KATHOLIEKEN
TOONT DOOR
DADEN.



JEN NIJAT, MESTI SAGED!

Ambantoe
serat kabar kita

„SWARA TAMA”

nama ndjoendjoeng
dradjading bangsa

KATHOLIEK
INDONESIËRS.

SERAT KINTOENAN.

Sadjawining tanggulan Redactie.*)

KALOENG PENGILON.

Pilih mbajar arta f 2,50 djrèng, poenapa tampi tjap ndjèmbèl?

Hèh, hèèh, hèh, kapoerih milih salah satoenggal! Pili ingkang poendi? Poenapa pilih mbajar arta f 2,50 djrèng? (gèk arta sadaja?) Poenapa pilih tampi tjap ndjèmbèl? Poenapa ta, tegesipoen ndjèmbèl? Rak ndjèmbèl ta! Sinten ingkang kersa dipoenwastani: ndjèmbèl? Hèh, hèh, hèh, kok delap-delas temen gesang; tijang ndjèmbèl kémawon badé kanggé abahan poenapa, tiwas namoeng dados re-reged leleteging donja kémawon, setoen-setoen bonékah kénging kanggé ngeng-enengi laré. Mangka toemoedjoe dateng sinten ta, temboeng ndjèmbèl poenika? Dateng golongan kita bangsa Katholik? Rak inggih boten poeroen ta? Oepamia koela ingkang kaetjap ndjèmbèl oet. ndjèmbèl poenika, mangka koela narimah, sanadjan boten mawi wonten tanda-tandani poen, para kadang Katholik sanès, oegi pandjenengan para maos sadaja, rak inggih boten rila ta! (roemijn wonten kantja goeroe poeroen nampi blandja boten samestini poen, inggih ladjeng katjaboet saking golonganipoen, pakempalanipoen kaom goeroe, awit manawi boten tampi gadjih samestini poen, badé anggèndèng kaom goeroe sanèsipoen oegi badé boten wonten adjinipoen).

Enget lo! enget! wonten ing or-anipoen sad. Patjar Mérah Sw.Tm. no. 29 nembèl ipénipoen nak ndèrèk kémawon boten rila manawi golongan kita dipoenawon-awon golongan sanès, poenapa golongan kita ingkang sampoen nggemolong dados satoenggal badé rena, kanti penggalih ichlas, manawi golongan kita dipoenwastani ndjèmbèl, oet. ndjèmbèl? Sampoen èh, sampoen ngantos tampi tjap ndjèmbèl? Ngelingsem! Rak inggih makaten ta, para maos? (Inggih, letterz.)

Mila kersanipoen sampoen ngantos tampi tjap ingkang ndjedjenesi ndjèmbèl prajoginipoen para lengganan Sw.Tm. s.k. kita pijambak kersaa paring sokongan (oeroenan) f 2,50 (zegge doea ⁵⁰/₁₀₀ roepiah), perloenipoen s.k. kita waoe sageda

medal padintenan, djer poenapa boten lingsem dateng golongan sanès ingkang sami maos noot-ipoen rama Redacteur ingkang kapatjak wonten ing artikelipoen sad. B. A. T. M. Soedarma lan sadèrèk Paredèn Toetiboedhiati Sw.Tm. no. 29 lan 30, ingkang moengel:

„Sampoen kerep sanget Sw.Tm. ngewrat pengadjak mekaten poenika: nanging awis ingkang dipointetangi manahipoen. Sebab-ipoen poenapa? Bosenan? Éman-éman? O, tanda dèrèng Red.” lan „Dèrèng dangoe poenika kémawon inggih katah ingkang voorstel, soepados kakerepana wedalipoen, ananging namoeng kèndel ing voorstel? Red. Wonten ing s.k. kita.

Kok mertandani sanget ringkihing golonganipoen para Katholik Indonesiërs, déné tjita-tjitanipoen (idam-idamanipoen) namoeng kèndel sarembag kémawon? Kok moeng semono kaprawirané?

O, kok memelas temen? Mangka golongan bangsa Katholik Indonesiërs rak boten ringkih ta? Manawi boten ringkih katingalna koentjaranipoen, kaprawiranipoen, sampoen oegat-oegat, sampoen grimang-grimieng, sampoen gremat-gremet, djer taksih katah sanget ingkang kedah dipoenlampahi, boten namoeng satoenggal kémawon. Manawinamoeng klelar-kleler kémawon, béndjing poenapa saged-ipoen sadaja kadoemoegèn? Sampoen damel koetjeming golongan? Enget lo, enget!

Wedaling Sw.Tm.s.k. kita dados padintenan kita goemolong, badé saged bingah-bingah, keplok-keplok, soerak-soerak, awit nganggé lan migoenakaken kekijatan kita pijambak kita saged mimpangaken padamelan ingkang awrat lan angèl (een moeilijheid overwinnen), saged ndjoendjoeng dradjad kita. Mila mangga samia kersa énggal-énggal njekapi abonnementsgeld ingkang dèrèng kabajar lan maringana oeroenan dateng adeding s.k.

kita padintenan.

Postwissel formelie ingkang dipoenlampiraken ing Sw.Tm. no. 32 poenika énggal kakintoena wangsoel dateng Administratie Sw.Tm. mawi kaèmbèl-èmbèlana arta f 2,50 (soekoer kersa langkoeng, djer kabetahanipoen pantjèn katah), soepados énggal sageda kadoemoegèn idam-idaman kita (dados boten tinggal tetep voorstel hawa rembag sadja)

Ing ngriki enget lo, para sadèrèk oeroenanipoen poenika boten peksan lol mangké ladjeng wonten ingkang mastani peksan; blaaas, boten babar pisan, (iedereen is vrij) manawi wonten kersanipoen boten kersa ngoeroeni inggih kénging-kénging kémawon (ta' berhalangan) manasoeka kémawon, manawi ichlas plas — kados lampahing kilat, tatit — inggih paling sedikit f 2,50 poenika, manawi boten, inggih boten babar pisan kémawon (perloe apa sokong Boeng?), nanging mesti boten badé lepat tampi tjap ndjèmbèl, djalara ing nginggil sampoen wonten oeng-el-oengelanipoen:

„Pilih mbajar arta f 2,50 djrèng, poenapa tampi tjap ndjèmbèl?”

Mila kedah dipoenpersoedia kanti sanget, (10 taon f 2,50 poenika sawoelan rak boten ngantos sebhènggol oetawi teloeng doewit?). sageda mbajar djrèng (à contant). Manawi para sadèrèk lengganan namoeng ngedjibaken *) dateng lengganan sanès kémawon (dados djib-djiban; kéné ngedjibaké kana, kana ngedjibaké kéné) boten woeroeng badé inggih namoeng tetep, pangah kémawon idam-idaman kita badé taksih tinggal voorstel diseboel angin sadja alias ketepoeoeos, ingkang oegi ladjeng badé tampi medali kaloeng pengilon saking

Sadèrèk èstri paredèn Toetiboedhiati, ingkang tansah bengak-bengok: „Behartigt 't algemeen belang!”

*) Penjakit keras. NOOT. Mirsanana Advertentie-nipoen, lan kersaa menggalih mawi penggalih ening lan djedjeg, djer manawi karaosaken saes-toe, pantjèn ngéngingi raos! ook redelijk! Toetiboedhiati.

NJEMPAL BAOE.

(Sajembara).

Gegajoetan kalijan ébahiing djam, koela koemawani matjak tjangkriman wonten ing kalangan Sw.Tm. ngriki. Batanganipoen kedah dipoenèmbèl-èmbèl leloetjoen; jèn ingkang leres pambatangipoen

langkoeng saking satoenggal, badé dipoenoeni, djer tanda mata ingkang badé dipointjoengolaken awoedjoed boekoe Journalistiek lan stenografie (basa Mladjeng) ingkang boten kénging kapetal kadadosaken kalih.

Badéjanipoen tjangkriman kedah sampoen wonten panggenanipoen Rama Redacteur paling telaat (kasèp-kasèpipoen) tanggal 25 Agustus poenika. Tanggal 29 panggeboegipoen. Ingkang tampi tanda mata badé dipoenemot wonten ing Sw.Tm. oegi. Ing ngandap poenika lo, tjangkrimanipoen:

1. Mata apa sing mbloloki?
2. Djam apa sing ngéndahaké badané kang nganggo?
3. Mata apakah berarti kampoien?
4. Matja apaning Sw. Tm. marak-aké mboengahaké pikir?
5. Matja apaning Sw. Tm. marak-aké boenek, djoedeging pikir?

Poenika lo, pandjenengan pikir, manawi boten pandjenengan pikir saetoe, éé èstoe boten saged pandjenengan.

Mangga para sadèrèk, kadang koela pandjenengan ngoelir boedi, katogna, sampoen mawi moendoer! Déné ingkang kakéngingaken mbatang tjangkriman kaseboet ing nginggil para sadèrèk:

Lengganan Sw. Tm. (ingkang noenggak pambajaripoen boten pikantoe). Lengganan Advertentie Sw. Tm. Lengganan énggal ingkang sampoen mbajar arta lengganan. Pembantoe isining s.k. Sw. Tm. Moegi² sageda énggal kabatang. Sajembara saking sad. èstri Paredèn Toetiboedhiati.

TANGGAP SABDA!!

P.G.H.B. afd. Banjoemas awatak bapa poenika sampoen samestini poen!! Nanging kedah ingkang ngadill!

Rèhning ingkang njerat artikel ing Sw. Tm. No. 23 tg. 6 Juni '30 bab: „P. N. S. in actie,” poenika koela, mila ingriki koela kepeksa damel orék-orékan malih gegajoetan kalijan poetoesan pepanggihanipoen sad.² saking N. S. lan K. S. ingkang dipoenadani déning P. G. H. B. tjabang Banjoemas kala 24 Juni '30 (kamot ing Sw. T. No. 28 tg. 11 Juli).

Sadèrèngipoen perloe koela ngalem dateng actie oetawi tradjanganipoen P. G. H. B. tjap Banjoemas waoe, ingkang sampoen ngakeni pijambak jèn „awatak bapa”! Pantès dadosa tetoeladan!!!

Anggènipoen P. G. H. B. tjabang Banjoemas ngawontenaken pepanggihan perloe ngitjali raos-roemaos ingkang kelintoe, poenika mila perloe sanget, i.p. tjotjog kalijan nootipoen Redactie.

Wondéné oekara koela ingkang di bohongkan waoe, perloe koela terangaken ingriki, bilih poenika koela namoeng saloegoe „merslag.” Dados boten kok koela sengadja damel klintoe seling serep! Nanging saking panimbang koela oekara poenika boten bohong, djer njata bilih leider kala roemijn saking K. S., . . . sareng gantosipoen saking . . . N. S. Rak njata ta poenika? Déné toemrap pasemon saking S. O. waoe, koela boten mangertos, djer ingkang ngawaki sadèrèk Soera pijambak!

Sapoenika bab poenika sampoen tjekap samanten kémawon, djer kita P. N. S. ers mila boten gadah pandakwa babar pisan, bilih lelampahan waoe saking pokalipoen satoenggaling K. B. er; babar pisan boten!! Anggènipoen wonten sadèrèk N. S. er ngantos kawadl ginemipoen kados oekara ingkang di bohongkan waoe, dados tjeta saking raos-roemaos, oetawi mestiné ngono-ajaké!! Dados boten kok ndakwa!!!

Samangké bab ingkang njata ingkang badé koela atoeraken! Jèn mila P. G. H. B. tjab. Banjoemas waoe awatak bapa sajektos, mesti ladjeng madosi djalara² ing lelampahan waoe!!

Bab ingkang njata inggih poenika sad. Soera, soewaoe leider, ladjeng kalorod dados hulpleider! Poenika ingkang dados oenderaning rembag ing kalangan P. N. S. tjab. ngrikoe (Banjoemas); mila ladjeng ngwontenaken pepanggihan ing Poerwokerto!! Lelampahan poenika sanget njolok mata kanggé golongan kita N. S. ers! Mila dipoenpadosi poendi sebab-sebabipoen.

Poenika ingkang langkoeng preloe dipointindaken déning P. G. H. B. awatak bapa!! Margi lelampahan poenika dèrèng genah bongkot poetjoekipoen (sabab²), sanadjana sampoen dipoenwontenaken pepanggihan kados makaten, koela kinten taksih wonten golongan (ingkang kataman lelampahan waoe) ingkang dèrèng marem, djer dèrèng katjepeng poenapa ingkang dipoenkadjengaken! Woosana masa bodo.

POEN AMRIH RAHAJOE

!?!?

P. S. Djawaban poenika saweg saged koela kintoen sapoenika (dados kasèp), margi tansah aral! !?!?

*) Soepados boten noewoehaken seling serep, koela terangaken bilih karangan poenika saking satoenggaling Abn. Sw. T. ingkang nedyang ngadjengaken Sw. T. Dados boten boeah tangan saking kantja Redactie oetawi Adm. RED.

O E R A P - S A R I

(PETIKAN SERAT-SERAT KABAR SANÈS)

KABAR KATHOLIEK.

R. M. Soenoe ing Nederland.
Serat-serat kabar njarijosaken, sad. R. M. Soenoe, Soekadari, lan Tjan Djoen Kiam, katarimah candi-daetaxamen Indisch recht wonten Leiden.

R. M. Soenoe, poenika ingkang raji P. Djajasepoetra ingkang tjalon angedjawi poenika. Ngatoeraken kasoegegan.

Kg. Biskop A. van Velsen.
Woelan poenika, Kangdjeng Biskop tedak ing Ngajogjakarta, maringaken Sakramèn Kasantosan.

Tanggal 15 Agoestoës, maringi Sakramèn Kasantosan wonten kita Ngajogja (Grédja St. Joesoep); tanggal 17: Sedajoe; tanggal 19: Moringan; tanggal 21: Gandjoeran; 23: Somahitan; tanggal 24: kita Ngajogja (ing Grédja S. Fr. X.); tanggal 26: Ngidjon; tanggal 28: Kalasan.

Rawoehipoen Pastoer Djawi kekalih.

Rawoehipoen P. Soekiman toewin Djajasepoetra wonten Tandjoeng Prijoek, kinten-kinten tanggal 23 Agoestoës. Rawoehipoen wonten Ngajogja bokmanawi kémawon tanggal 26 Agoestoës sonten.

Pahargjan saking Komité Ngajogjakarta, kadawahaken wonten tanggal 27 sonten, sarta gadèng kalijaa pranatan salebeting Jezuïet, pahargjan waoe tjalon *tjilmèn*, boten saged mawi atoe-atoer pakempalan Katholieksadjawining Ngajogjakarta.

KABAR O E M O E M INDONESIA

SAKING NGAJOGJAKARTA.

Konggrès T.S. Malem Kemis 6-7 Agoestoës, konggrès kanggé njowindoni Taman Siswa, dipoenwiwiti manggèng ing dalemipoen Ki Hadjar Déwantoer, kadatengan Adviseur Inlandsche Zaken t. van der Plas, Inspektör Bos, Mr. Singgih, lss., wakil-wakilng pakempalan pinten-pinten, kalebet oegi wakil H.B.P.P.K.D., K.W., toewin W.K. afd. Mataram; goenggoeng kempal boten kirang saking 500 tjang.

Ki Adjar Déwantoer, atas namaning Komité, medar sabda: 1. Ngatoeraken pambagja wilodjeng. 2. Ngandaraken bilih T.S. anggènipoen propaganda, sarana *njamboet damel*, boten sarana omong. 3. T.S. sampoen gadah tjabang 52. 4. Sedyaning konggrès poenika, badé ngawontenaken pranatan ingkang sami (organisasi), sageda kanggé toentoenan panindaking T.S. ing sa-Indonesia. 5. Ki Hadjar Déwantoer lega lila anggoetjoelaken toentoenaning T.S. dateng para néman.

Sadèrèk Pronowidagdo, pangarsaning konggrès, anerangaken bilih adegipoen T.S. kabekta saking sabab kalih warni: a). Tetijang ngriki sami ngelak onderwijs, nanging sakolahan saking Nagari boten njekapi. b). Gandèngipoen kalijan raos kabangsan, sakolahan ingkang sapoenika sampoen wonten boten maremaken.

Tjaraning panjamboet damel, T.S. migoenaken tjara: njamboet damel pijambak. Sasampoenipoen poenika, para ingkang andatengi konggrès, dipoensoegata dolanan Djawi warni-warni, sinarengan gangsa, tonil alit-alitan lampahan katresnaning bijoeng (jèn ing Kitab Soetji sami kalijan Kawitjaksananipoen Praboe Soelèman kala ngadijili bijoeng kalih sami reboetan anak), beksa klan, lss.: *sadaja* waoe, ingkang nindakaken *laré alit*, sarta katingal saé boten ngoetjiwani. Wonten sawatawis ingkang klentoe, malah damel sarining konggrès!

Oetoës-oetoësaning pakempalan katah ingkang medar sabda mahjakaken seneng lan oermatipoen dateng T.S.: Mr. Singgih (wakil H.B.B.O.), Rm. Jama wakil P.G. H.B. Mataram, s. Soegija wakil K.W. Mataram, oetoësan-oetoësan T.S. Medan, Jacatra, lss.

50 taoenan dalem Sri Maha Radja Poetri.
Wiwahan 50 taoenan dalem Sri M. R. Poetri Wilhelmina, toemrap Ngajogjakarta doemawah tanggal 1 lan 2 September. Tanggal 2 waoe, sadaja sakolahan Ngajogja, libero. Tjalon wonten arak-akaran pit, andong, grobag, montor, pit montor, sami pinadjang-padjang, sarta ginatoengan an pris. Soedijan wragad langkoeng saking f 2675.

Iksamenan ing Nederland.
Sad. Soekadari, Rm. Soenoe, lan Tjan Djoen Khiam, poetoës iksamenipoen candida Indisch recht wonten Leiden.

S. K. Lie, S. J. Tjoa, lan W. F. Waweroentoe, katarimah candidaats-examen babagan kawroeh kadokteran wonten Utrecht.

Katarimah iksamenipoen Accuntantij Nederlansche Handelshoogeschool ing Rotterdam, sad. M. Aboetari toewin t. Teng Sioe Tjhan.

Loh Hwa.

Loh Hwa, pakempalan bal-balan kampijoen ing Tiongkok, mentas dateng wonten ing tn. Djawi, sarta main wonten Betawi, Bandoeng, Semarang, Soerabaja. Pikantoeipoen arta éwon. Kala wonten Soerabaja, saweg kalih dinten kémawon angsal ± f27000.

Kominis ketjepeng.

Mentas wonten tjang kominis tiga, ketjepeng, dipoenbekta baita Plancius saking Singapoer, i.p. Djamaloedin, Mohamad Ali, lan Kadji Mahmoed. Tiga-tiganipoen sampoen dangoe dipoenpadosi poelisi

Grédja Agoeng ing Kongo.
Ing Leopoldstad, (Kongo bawah Bèlgi), badé dipoendegi katedral énggal, pandjanguipoen 80 M., wijariipoen 40 M., tjepak tjang 7000.

Katakomben énggal.

Nalika tjang damel margi satjelakipoen via Tiburtina, wonten satjeketipoen pakoeboeran Compo Verano, manggih margi-margi katah wonten salebeting siti. Sasampoenipoen katitipriksa-saestoe, tetijang saged sami amastani margi-margi waoe: katakomben. Ingkang katah margi poenika waoe wijariipoen 70 — 90 c.M., inggilipoen 4,90 M.

Katakomben poenika waoe, pandamelipoen kala tengah-tengahanoen abad kaping tiga.

Tetijang saged manggih: lontjèng tembaga alit-alit, gelang, retja alit-alit, sesoepe, lss.

Retja dalem, ing Desio.

Retja dalem, I.S.K.S.R. Pius XI, jasanipoen tetijang ing Desio (tanah Itali), kala 29 Juni binarkahan Kg. Maha Biskop ing Milaan, Kardinal Schuster.

Setatsijoen radjo ing Vatikan.

Setatsijoen radjo ing Vatikan kawartosaken bédjng Oktober saged kaanggé, sarta saged njebar pawartos kapingreng ing saindenging djagad.

Ingkang tjalon ambarkahi ngarsa dalem pijambak.

(gandèng kalijan ontran-ontran kala Nov. '26 en Januari '27.)

Arta kertas ingkang karisak.

Salebetipoen woelan Juli, arta kertas ingkang karisak wonten Alg. Rekenkamer:

damelan Nederland 680.000 lembar a f2.50, lan 1.600.000 lembar a f1.

Damelan Amerika, kertas njaringitan 60.000 lembar, lan njaroepijahan 100.000 lembar.

Panggaotan njerat ing Lasem.

Ing Lasem, katah soedagar anoe-toep pakarjan amatik. Tetijang Djawi ladjeng katah ingkang boten pikantoe panggaotan.

Roemijin tjang sadé seratah ing ngrikoe saged pikantoe bati 30 — 40%. Sapoenika pados oentoeng 10% kémawon ngrekaos. Anggènipoen makaten waoe margi djor-djoran katah sanget. Ing tanah Djawi tengah kémawon boten kirang saking 20 enggèng ingkang ngedalaken seratan. Kadjawi poenika toekang niroe, inggih katah. (Djawa Tengah).

Boten angsal dados warga Gemeente Raad.

Gemeente Raad Soekaboemi boten ngadjengi sadèrèk Soekardi, sawoengipoen Pasoendan, dados warga Gemeente Raad, margi boten saged tjara Walandi. Mangka boten wonten artikel ingkang nentjang warga gemeente raad kedah omong mawi basa Walandi. Ing Raad Kawoela kémawon inggih wonten warga ingkang omong mawi basa Mlajoe. Pakempalan Pasoendan protest.

Sembrananipoen tjang sepoeh.

Ing Manondjaja wonten laré oemoer sataoen, dipoenpoerih dolanan pijambak wonten sentong, dipoenineb, tjang sepoehipoen njamboet damel. Poen laré dolanan toetoep wonten rantènipoen. Tetijang mireng laré njerit, boten dipoenraos, roemaosipoen mesti boten poenapapoenapa tjang wonten nglebet kamar. Boten let dangoe, laré dipoen-toewèni pinanggih sampoen pedjah. Sareng dipoentingali: tjangkem klebetan ranté, gorokan klebetan toetoep waoe. (Jawa Bode).

Darah Dipanagara.

Mitoeroet A.I.D., gandèng kalijan panjoewoenipoen R.M. Daoed Dipanagara, lss ing Ambon, Paréntah sampoen marengaken toeroentoeroenipoen P. Dipanagara kaparengaken dateng poendi-poendi ingkang dados karsanipoen.

Kabesmen ageng ing Lombok.

Ing Kembang Kenang, Lombok Wétan, mentas wonten kabesmen ageng, anelasaken grija 158 woewoeng toewin loemboeng 90, kapi-toenèn sadaja kinten-kinten wonten f22.000.

Pamedal S.S.

Pamedal S.S. salebetipoen woelan Djoeli wonten 5 mlijoen 617 éwoe 644 roepijah: manawi katanding kalijan Juli taoen kapengker, soeda 2 mlijoen 376 éwoe, 26 roepijah.

Wiwit Djanoewari doemoegi Djoeli taoen poenika, pamedalipoen

S.S. soeda 8 mlijoen 163 éwoe 411 roepijah tinimbang kala Djanoewari — Djoeli taoen 1929.

Tilgram wonten salebeting tresepoer.

Wiwit 1 September, kanggé tjobèn-tjoben, S.S. ngawontenaken pranatan tjang-tjjang ingkang noempak sepoer saged kintoen tilgram saking sepoer ngrikoe, mawi watesan katah-katahipoen woloeng temboeng. Wragadipoen f1,45 (satemboeng 15 sèn, wewah vastrecht f0,25). Tilgram-tilgram waoe boten kénging mawi tetenger ingkang ngindakaken waragad, kadosta D (Dringend), lss.

Adviseur Adatzaken.

Warga Raad Kawoela t. Soangkanon, mrajogèkaken soepados wonten ambtenaar bangsa Indonesia, mendet saking para winasis bangsa Tapanoeli. kanggé pambantoenipoen Resident, kapoerih ngawat-awati pakarjaning gemeente (gemeente-zezen) ing Tapanoeli.

Ambtenaar poenika waoe soepados pinaringan seseboetan Ambtenaar voor Adatzaken, sarta kedah mandirèng, benoemanipoen Ingkang Witjaksana pijambak, dados boten kabawah pangageng ing Tapanoeli.

Pantalonan mawi koeploek.

Pantalonan mawi koeploek, poenika wekdal samangké kaanggep tetijang ngriki, dados patjakanipoen bangsa Indonesia.

Nembé poenika, ing peken malem Semarang (lan oegi kala wonten bal-balan Loh Hwa) wonten lalam-pahan tjang ingkang manganggé pantalon mawi koeploek, dipoenpoerih toembas kartjis kados kartjisi-poen bangsa koelit petak. Prakawis poenika, dipoenrembag dr. Marzoe-ki Mahdi wonten Gemeente Raad, margi wonten pandakwa pranatan waoe atas pakènipoen Gemeente. Nanging, pikantoe wangsoelan saking pangarsaning gemeente raad, bilih pangreh gemeente boten naté ngedalaken pranatan makaten waoe. (Nan Sing).

Arbeidsinspectie toemandang.

Ambtenaar Arbeidsinspectie mentas anggropjok grijanipoen tetijang Tionghoa ing Lasem ingkang sami ngwontenaken panggaotan ambabar. Panggropjokipoen ing wantji daloe antawisipoen djam 11 — 12. Anggènipoen anggropjok waoe badé njomerepi poenapa tetijang Tionghoa waoe sami anindakaken pameksa soepados koeli-koelinipoen njamboet damel ing wantji daloe. Katah tjang ingkang nglemboer ingkang sami kabekta dateng poelisèn.

Neroesaken sakolah.

R. Ng. Prajitna, wedalan Mulo Semarang poetra boepati Pati, manoeet tjarijosipoen *Bahagia* sampoen pangkat dateng Nederland noempak baita Sibajak, perloe neroesaken sinaoenipoen wonten H.B.S. ing Leiden, saking ngrikoe ladjeng badé anggafoeh seseboetan ladjengjoer.

Kamadjenganipoen Celebes.

Ing taoen 1904, Celebes gadah sakolahan Walandi kalih, lan sakolahan angka kalih 16, moeridipoen 1500.

Ing salebetipoen taoen '28, wonten sakolahan Mulo 1, (mrd. 145), sakolahan andap 4 (mrd. 757). H.I.S. 11 (mrd. 1583), H.C.S. 3 (mrd. 534) Standaardschool 53 (mrd. 6747), sakolahan doesoen 553 (mrd. 29630). Ing Makasar oegi gadah Opleiding-school voor Inl. ambenaren).

Plaboehan Makasar katingal madjeng. Prabèjaning barang-barang ingkang kakintoenaken saking plaboehan ngrikoe kala taoen 1913 pikantoe f18.635.000, déné prabèja mlebet wonten f14.157.000. Taoen '27 uitvoer wonten f34.171.000, invoer wonten f24.364.000 —

Barang-barang wedalan Celebes ngkang kakintoenaken kadosta: dja-goeng, kopi, kopra, pendjalin, lss.

Doemoegi taoen 1928, Celebes gadah kaboedidajan 31, djembari-poen 10.607, H. A. ingkang kataneman wonten 4.510 H. A. (Swara Publik).

Stovia.

Sad. Soekirdjan (Koedoes) katari-mah iksamenipoen dokter bagèjan kapisan.

Dateng Boven Digoel.

Sad. Amat Salèh alijas Moekajat, Soedarman alijas Moelja, Kasmiran alijas Daroem, Sarimin alijas Kajat, sami kaboetjal dateng Digoel.

Kawangsoelaken dateng Tionghok.

Manoet tjarijosipoen *Deli Crt.* ing Deli mentas wonten bangsa Tionghoa boten gadah pandamelan, 148, kawangsoelaken dateng Tionghok mawi baita "Cremer." Anggènipoen kawangsoelaken, margi kamanah moetawatasi: saged oegi margi boten gadah pandamelan waoe, anggènipoen pados teda ladjeng sarana lampah boten saé.

Pangiridan.

Gandèng kalijan boten padjengipoen areng sèla wonten ing Bang-

ONTJÈN SEKAR GAMBIR MELATI.

PRAKAWIS PINDAH-PINDAHAN ING DJAGAD GOEROE.

MOTTO. Het grootste euvel, waardoor de post reiskosten noodeloos wordt vergroot, is het enorm aantal overplaatsingen.

(....) Het belang van den dienst is vaak tegenstrijdig met de overplaatsing: te veel wordt met persoonlijke wenschen rekening gehouden. (Rede t. Nessel wonten Volksraad 17 Juli).

Warga Raad Kawoela t. Nessel, kalanipoen angrembag wedaling arta Nagari babagan ragad kekésahan kanggé para ambtenaar, tjarijos makaten:

"Piawon ageng ingkang angindak-indaki wedaling arta kekésahan ingkang tanpa perloe, poenika *katahipoen pindah-pindahan*. („Het groote euvel, waardoor de post reiskosten noodeloos wordt vergroot, is het enorm aantal overplaatsingen."

Prakawis poenika pantjen inggih njata! Pandjenengan njatakaken wonten serat-serat kabar. Mèh sabèn dinten wonten pawartos *mutatièn* kokoloman. Gèk arta pinten kémawon ingkang kawedalaken Paréntah kanggé perloe poenika? Arta voorschot; declaratie! Mangka gèk pindahipoen tebih pisan, toer bar-jariipoen ageng!

Prakawis pindah-pindahan poenika waoe, wonten kalangan onder wijs inggih ageng. Toewan Nessel njarijosaken, wonten sakolahan ingkang ing dalem *sataoen* goeroenipoen *gantos sadaja*.

Toewan waoe, mratélakaken prakawis katahng pindahhan poenika, kedjawi ngindakaken wedaling arta Nagari, betahing pangkat (het belang van den dienst) pantjen inggih boten aneda wontenipoen pindah-pindahan semanten katahipoen. Saladjengipoen nerangaken: „Het belang van den dienst is vaak tegenstrijdig met de overplaatsingen; te veel wordt met persoonlijke wenschen rekening gehouden. (...) Boetoehing pangkat (boetoehing dines) kerep baé soelaja karo pindahé; enggoné (Paréntah) ngèlingi panjoewoné wong kanggo boetoehé awaké déwé kokéhan!

Atoeripoen t. Nessel poenika angèngeti kawontenanipoen prijan-toen ingkang kapapanaken wonten tanah Sabrang. Sadèrèngipoen sampoen mireng: kawontenan ing ngrika awon, sasaminipoen. Mila dateng dok, ladjeng manah neda pindah.

Terkadang, sampoen dipoendjandjèni: wonten Sabrang namoeng setaoen, oetawi kalih taoen. Manawi sampoen sataoen, tjangipoen sampoen wiwit radi kraos (krasan), ... Nagari ladjeng netepi djandji, tjang kapindah del.

Goeroe *kekerepen* pindah, pantjen boten saé. Sakolahanipoen *risak!* Pantjenipoen, saja dangoe kedah saja atoe dateng kawontenan ngri-

kok, Saigon, Singapoer, Penang, Haiphong, Saigon, Hongkong, Kanton, lss. maskapé areng sèla Oost-Borneo My, badé ngwontenaken pangiridan, amotjoti koeli-koeli bangsa Djawi katah sanget, poenapadéné poenggawa-poenggawa.

Katjarjos maskapé areng sèla gadahanipoen bangsa Djepang inggih sampoen anindakaken pangiridan, ingkang ladjeng dipoenenoet Oost-Borneo My, waoe. (Srbj. Hdb.)

Prakawis siti.

Warga Raad Kawoela t. Kan, neda soepados ing salebeting komisi kanggé angrembag wewenang siti ing tanah ngriki, dipoenwontenana warga golongan bangsa Tionghoa. Anggènipoen makaten poenika, margi angèngeti golongan Tionghoa wonten éwon, oep. ing Tangerang, ingkang njepeng patjoel.

Exorbitante rechten.

Wakil Paréntah babagan Oemoem, Ir. Kiewiet de Jonge mratélakaken bilih wewenangipoen G. G. amboetjal tjang poenika boten kaseboetaken wonten Staatsregeling, nanging wonten bijbladen. Mila, samangsa sampoen nampi oesoel-oesoel saking Raad Kawoela, Paréntah sagah manggalih angéwahi.

Ekonominipoen Indonesia.

Wakil Paréntah babagan Arta, t. van den Busschen, wonten Raad Kawoela mratélakaken bilih Paréntah njaroedjoeki pamanggih-pamanggih ingkang mrajogèkaken soepados Paréntah tansah ngirid-irid anggènipoen ngedalaken arta. Dipoenterangaken: ngirid wedaling arta kanggé Departement Marine lan Oorlog ingkang langkoeng irid tinimbang sapoenika, boten saged.

Postzegel damelan Indonesia pijambak.

A. I. D. martosaken, Postdienst boten gadah kawraton manawi pan-

coe, inggih sanadjan kawontenan waoe boten patos saé. Saja dangoe pasrawoenganipoen kalijan tjang ngrikoe saja koelina; pamitranipoen saja kandel. Toemoesipoen: andajani *adjenging* sakolahan.

Goeroe kekerepen dipoenpindah, kadjawi ngrisakaken sakolahanipoen, lan *ngatah-ngatahi wedaling artanipoen Nagari, kantong-ipoen poen goeroe pijambak* inggih bobol. Ngantos prakawis pindah poenika waoe, wonten ingkang ngibaratakan: *kobongan tanpa geni*.

Sampoen mesti kémawon, ingkang makaten waoe boten namoeng toemrap golongan goeroe; golongan prijantoen sanès inggih sami kémawon.

Mila, koela matoek dateng karsanipoen Paréntah: njoeda pindah-pindahan. Nagari boten badé marengaken panjoewoenan pindah ingkang awawaton kabetahan *partikelir*; kadjawi manawi pantjen kabekta saking *kasarasaning badan*.

Éwadéné, djembar-djembaring djagad mesti wonten ingkang boten matoek kalijan karsa njoeda pindahhan poenika waoe.

Ing *Nieuw Soerbj. Crt.*, naté wonten swanten: manawi karsa waoe saestoe katindakaken, mesti noewoehaken tindak boten adil warniwarni; damel *tjilakanipoen* goeroegoeroe ing tanah Sabrang, boten gadah pangadijeng-adjeng wangsoel dateng tanah Djawi. enz.

Prakawis poenika boten koela pabeni. Patjar Mérah angoegeginemipoen: „Paréntah kedah anggemèni wedaling artanipoen toemrap prakawis ingkang mila matoek jèn dipoen-gemèni, sampoen ngantos kawoela alit saja pringisan, margi kindakaken paosipoen." Sigeg, ...

Sadèrèk!

Koemaraning bezuiniging boten namoeng angèbeki djagad pakarjan Nagari. Djagad *partikelir* inggih toemoet kraos, kadosta panggaotan tèh, kopi, karèt, tosan, areng sèla, enz. ... Mila, pangadijeng-adjeng koela karangan poenika sageda kapanggalihi oegi „Canisius Stichting."

Kadjawi makaten, temboengipoen t. Nessel: „Te veel wordt met persoonlijke wenschen rekening gehouden" waoe inggih sageda ginedongan „Canisius Stichting."

Kumuningsaselé 8 Agoestoës '30. Taklim: PATJAR MÉRAH.

damelipoen postzegels (prangko) wonten ngriki. Postwaarden - Commissie saweg njinaoe prakawis poenika.

Prof. Mr. A.H.M.J. van Kan.

Delèr prof. Mr. A. H. M. J. van Kan, kaangkat dados warga koemisi ingkang tinanggenah njepeng toentoenaning dadapoekanoenipoen tjatetan boekoe-boekoe kawroeh (kataloges) ingkang sampoen wonten ing tanah Djawi ngriki, kadjawi kawroeh ngèlmoe alam.

Ahli hoekoem dipoenwewahi.

Bat. Nieuwsblad njarijosaken, salebetipoen Agoestoës poenika Indonesia badé kadatengan tjang ahli hoekoem 20 saking Nederland. Tetijang poenika badé sinaoe prakawis Indische Recht wonten R.H.S. dangoenipoen sataoen. Manawi sampoen ladjeng praktik.

Anakipoen tjang soegih ingkang sakolah.

Publicatie H.I.O.C. no. 4, wonten ingkang anjateti anak-anakipoen tjang soegih bangsa Indonesia, ingkang sami sakolah wonten H.I.S. Kanggé tanah Djawi; wonten moerid H.I.S. 3, ingkang tjang sepoehipoen setaoen gadah pamedal f17.000; wonmoerid setoenggal, ingkang tjang sepoehipoen sataoen gadah blandja oet. kaoentoengan f43.000; lan wonten moerid satoenggal malih ingkang tjang sepoehipoen ing setaoen gadah kasil f30.000.

Kanggé wekdal sapoenika, tjang Indonesièr ingkang bajaranipoen katah pijambak, namoeng delèr R.A.A. Djajadiningrat lan P. Koesoema Joesda f2400 sawoelan.

Déné para boepati, kedjawi Semarang, Soerabaja, lan Betawi, blandjanipoen f1350 sawoelan.

Angka-angka ing nginggil poenika toemrap laré H. I. S. tanah Djawi.

ER
CEE

ADOTHEKEN

Rathkamp
& Co

MALIOBORO 15 DJOKJAKARTA.

AGÈNT KANGGÉ SALEBETIPOEN
NGAJOGJAKARTA.

Sepeda-sepeda merk:

SIMPLEX Cycloide, S. djené, S. petak sarta Simplex Transfer.
HIMA: Wassenaer, Rondrit, Oranje sarta Woestduin.
TOURIST: A. A. sarta A.

Sedija oegi sepeda merk:

RAY — SWIFT — GRUNO — HUMBER — VIALLE —
BURGERS E.N.R. — KROON — NATIONAL — BERGKONIG.
Sarta malih sepeda mirah wiwit pengaos f 55.—, f 65.—, f 75.—
saprabotipoen: Kliting, pompa, lentéra sarta tas isi perka-
kas koentji sarta wadah lisah.Mentas tampi per S.S. Slamet sarta JOH. de WIT sepeda merk:
ROVER Imperial, continental, The Rover sarta Metallicus.
Sedija oegi Djas djawah, Kopper, Lentéra Stormking, Lemantoen
tosan sarta tjét wënter.PENJADÉJAN KENTJÈNG SARTA KATJITJILAKEN.
Menawi perloe moendoet katerangan, badé kakintoen pratélani-
poen kalajan lelahanan.

Njenjadang Welingan.

Rijwielenhandel Reparatie-inrichting en Smederij:
„WIRJOSOESENO”

Lodjketjil 16. NGAJOGJAKARTA Telf. No. 13.

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,
dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAË TOEWIN AWÈT
INGGIH NAMOENG
MERK GAZELLE
INGKANG AWOEDJOED
ALCYON }
DUNLOP } RIJWIELEN
R. I. W.

Nitjil kénging! — Kentjèng soekoer!

GAZELLE HUIS — ROEMAH GIDANG
MALIOBORO — DJOKJA — TELF. 508.

TOKO BARANG - BARANG H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak - anak;
Tempat tidoer, lampoe gasoline, dan
— permainan boeat anak - anak ketjil. —

SEMOEA BARANG PALING DJEMPOL, DAN
MOERAH SEKALI!

Toko DJOEN & Co., Djocja.

PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannya.

**ROTIE-ROTIE, KOEWEE-KOEWEE dan
BESCHUIT-BESCHUIT KERING.**

**SROETOE-SROETOE dan ROKOK-
ROKOK, jang haloes dan kasar.**

Djoega slamanja djangkan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembellie poenja perminta'an
die tanggoeng sampee menjenengken, harga per
pond f 0.90.

Bolih datang saksiken!

Memoedjiken dengan hormat
Toko DJOEN & Co.

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet

namoeng kantoen ngagem; sablèg netto 10 kilo: f 8,50;

5 kilo: f 4,50.

PABRIK TJET R.B. FRIELING

Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6-8.	Pekalongan 6.30-8.	Kepandjèn 6-7-9.
Amboina 7.30.	Lawang 5.30-6-8.	Pemangkat 8.30.	Anita Boul. 6-7.30-9.
Bagan Siapi-api 7.30.	Madioen 6-7.30.	Poerwokerto 7.30.	Soerakarta 6-7-8.30.
Bandoeng 6-7.30-9.	Magelang 7-9.	Poerworedjo 7-8.30.	Tandjoeng Balai 7.30.
Benkoelen 7.30-9.	Makassar 6-7.30.	Pontianak 7-8.30.	Tandjoeng Karang 8.
Blitar 7.30.	Malang 6-7.15-8.30.	Probolinggo 7.30.	Tandjoeng Sakti 7.30.
Buitenzorg 6-8.	Manado 6-7.30.	Salatiga 7.30.	Tara-Tara 7.30.
Cheribon 7.30.	Medan 6.30-8-8.30 (tjina).	Sambas 6-8.30.	Tegal 6.30-8.
Djember 7.30.	Medari 7.30.	Sambong 8.	Tering 7.
Djokja:	Kampementstraat Eur. 7-9.	Sawah Loento 7-8.30.	Tjilatjap 7.30.
	Jav. 6-8.	Sedajoe 7.	Tjimahi 6-8.
	Kota Baroe 6-7.30.	Sedjiram 5.45-8.30.	Tomohon 7-8-9.
	Djombang 1) 7.30.	Gedangan 6-8.	Wates 7.
	Fort de Kock 7.30.	Bangkong 6.30-8.30.	Weltevreden:
	Gandjoeran 2) 7.	Tjandi 7.30.	Waterlooplein 5.45-7-9.
	Gombong 3) 7.30.	Randoesari 7-9.	Kramat 6-8-9 (mal.).
	Keboemèn 4) 7.30.	Singawang 6.30-9.	Wonosobo 5) 7.30.
	Kediri 7.30.	Soekaboemi 6-7.30.	Woloan 8.30.
	Klatèn 7.30.	Heuvel 5.30.	
	Koeta Radja 6.30-8.	Soerabaja:	

1) 1e. Achad.

3) 2e. Achad.

5) 1e., 2e., 4e. Achad.

7) 3e. Achad.

2) 1e. + 3e. Achad.

4) 1e. Achad tiao² doa boelan.

6) 2e., 4e. Achad.

8) 3e. Achad.

Déné ing tanah Sabrang, wonten
laré H.I.S., 3 anakipoen tijang gadah
pamedal f 17.000 sataoen: 1: —
f 18.000; 2: — f 19.000; 2: — f 25.000;
2: — f 35.000. Kadjawi poenika won-
ten moerid H.I.S. kalih, ingkang
tijang sepoehipoen gadah pamedal
samlipoen sataoen.

Sapoenika toemrap laré H.C.S.
ingkang anakipoen tijang soegih.
Ing H.C.S. tanah Djawi wonten
moerid 3 anakipoen tijang gadah
pamedal f 19.000 sataoen; 2: —
f 20.000; 2: — f 40.000; 1: —
f 45.000; 2: — f 150.000.

Ingkang mlebet ing A.M.S. won-
ten satoenggal anakipoen tijang ga-
dah pamedal f 500.000 sataoen; ing
H.B.S. wonten 3: — f 1000.000
sataoen. (Moerid sakawan ing A.M.S.
lan H.B.S. poenika waoe boten
kapratélakaken anakipoen sinten,
toewin bangsa poenapa).

Déné H.C.S. ing tanah Sabrang,
wonten 1, anakipoen tijang gadah pa-
medal f 17.000 sataoen; 1: — f 18.000;
1: — f 20.000; 5: — f 25.000; 1: —
f 35.000; 3: — f 40.000.

Moerid anakipoen bangsa Tiong-
hoa lan Éropah ingkang sataoen
gadah pamedal samlipoen boten
wonten.

Pikantoe bintang Sijem.

R.A.A. Tjakraningrat, boepati
Bangkalan Medoera, pikantoe bint-
ang „ordeteeken van ridder in de
orde van de Witte Olifant.”

Rechtschool.

Nonah Tien Nio Yap, katarimah
iksamipoen R.H.S. pérangan ka-
ping kalih.

Pangiridan S.S.

S.S. saweg amanah ngirangi poeng-
gawa ing centraal comptabiliteits-
bureau-Insepeksi ingkang sapoenika
doemoenoeng wonten Betawi, Tjire-

bon, Bandoeng, Poerwokerto, Ma-
dioen, Soerabaja, lan Djember, ing-
gih badé dipoenkirangi. Insepeksi
ing Tjirebon boten sandé mesti ka-
dadosaken satoenggal kalijan Poer-
wokerto. Riateeringskantoren ing-
kang sapoenika wonten 28, badé
karingkes kadadosaken pitoe. Oegi
badé dipoenmanah damel prasadj-
ning sadaja prakawis administratie
ing Hoofdbureau Bandoeng, mawi
dadapoekaning poenggawa kala ta-
oen 1917. (Java Bode).

N. V. Indonesia.

Warga Raad Kawoela t. Laoh,
wonten parepatan 29 Juli, damel
pipindan kawontenaning gesang sa-
sarengan ing Indonesia. Prakawis
poenika dipoensamèkaken kalijan
Naamlouze Vennootschap Indone-
sia, ingkang dipoenadegaken sareng-
sareng déning bangsa Indonesia,
Walandi, toewin tetijang Asija ing-
kang dedoenoeng wonten ngriki.
Kapitalipoen: 62 mlijoen, ingkang
6 mlijoen roepijah (ingkang dipoen-
kadjengaken: djiwa tijang), kapital
Walandi; ingkang 1 mlijoen, kapital
Aijsa; ingkang 53 mlijoen roepijah
kapital Indonesia.

Kados ingkang kalimrah, ing sa-
lebetipoen N.V. poenika tijang ing-
kang artanipoen katah pijambak
dèrèng mesti kapilih dados Direk-
toer; ingkang kapilih, limrahipoen
malah ingkang kaanggep pinter.

Nederland langkoeng pinter, mila
anjepeng pangkat President-directeur.
Nanging pangkat komisariss, kedah
dipoensoekakaken dateng Indonesia.
Kanggé wiwitan, lan kanggé sawata-
wang wekdal, ingkang njepeng pangkat
presidèn-direktoer waoe mèh ké-
nging kapastèkaken: Walandi.

Dipoentjeping wonten Mekah.

Tilgram „Aneta Nipa” saking
Padang njarijosaken bilih manoet

Sumatra Bode, Datoek Poetih tilas
pangageng distrik ing Solok, kalijan
koela warga, wonten Mekah atas
dawoehipoen Soeltan Ibnoe Saeod,
dipoentjeping poelisi. Anggènipoen
katjeping waoe, margi Datoek Poe-
tih poenika sakabatipoen Achmadi-
jah. (Poenapa Soeltan Ibn. Saeod,
boten seneng kalijan golongan Ach-
madjah?).

Verzekering kanggé tijang katjilakan.

Ing Volskraad mentas nedahaken
rantjangan pranatan verzekering
kanggé tetijang ingkang panjamboet
damelipoen moetawatosi, kadosta:
njamboet damel wonten èlektris; ba-
rang-barang ingkang gampil moeroeb
toewin ndjebloeg; gas-gas tjoeuwer;
pamelikan; lss., kalebet oegi koeli-
koeli ing poenale sanctie.

Sadaja kaoem madjikan praka-
wis poenika, kawadjabaken njoe-
kani arta patiba tamba dateng te-
tijang ingkang kasangsaran margi
panjamboet damelipoen; déné ma-
nawi ngantos pedjah kedah njoe-
kani arta dateng warisipoen. Mana-
wi dawahing kasangsaran waoe di-
poensengadja pijambak, boten pi-
kantoek arta. Manawi anggènipoen
kasangsaran margi katjokan mendem,
arta ingkang kedah kasoeakakaken
kaoengkrèt namoeng sapalih.

Ing rantjangan waoe boten am-
bedakaken panggaotan partikelir ka-
lijan boten.

Ingkang kanamakaken poenggawa
(koeli) poenika sadaja ingkang njam-
boet damel wonten ngrikoe, boten
mawang djaler èstri, oemoer-oemoer-
an oet. koeli Magangan inggih
toemoet klebet.

Arta patiba tamba poenika waoe,
badé kabajar garantiefonds gadah-
anipoen nagari. Manawi rantjangan
pranatan poenika sampoen toemin-

dak 5 taoen, badé kamanah sapinten
anggènipoen badé neda arta dateng
para madjikan kanggé anggoeroeni
fonds poenika. Manawi wonten pa-
soelajan prakawis wedaling arta
kanggé preloe kaseboet, badé kaoe-
roes ing controleerende ambtenaar;
lan manawi perloe, kapasrahaken
dateng pradata.

Pamedalipoen Nagari.

Pamedalipoen nagari ing salebet-
ipoen 5 wolan (Jan. — Mei) ing
taoen poenika, wonten f 234.809.252.
Kala Jan. — Mei '29, wonten
f 256.229.816. Dados soeda f 21,4
mlijoen.

Soedanipoen poenika waoe, ma-
nawi kaprintji-printji:

Paos ± soeda: f 8,5. mlijoen.

Monopolie ± soeda: f 0,9. mli-
joen.

Woelowedal (producten) ± soe-
da f 9, — mlijoen.

Panggaotan (bedrijven) ± soeda
3, — mlijoen.

Tipes ngamoek.

Ing Pandéan lan Pasoeketan (Tji-
ribon) katradjang sasakit tipes. Won-
ten laré langkoeng saking 6000 sami
kasoentik.

Boepati dipoenoesir saking soos Walandi.

Sad. Soedarmo, wonten s.k. Baha-
gia, njarijosaken: bilih manoet de
Stuw kala ing Soerabaja wonten
konggrès decentralisatie, wonten
Boepati mentas andatengi konggrès
waoe ladjeng malebet kamar bolah
Walandi; nanging ladjeng katoen-
doeng késah, margi Inlander.

WAWASAN BOEKOE.

De veelvuldige biecht
zielewekker voor jong en oud
door

A. F. JANSEN S. J.

Veelvuldig kadjengipoen kerep; veelvul-

dige biecht kadjengipoen kerep ngaken dosa.
Veelvuldige Communie tegesipoen: sasaged-
saged tijang kedah saben dinten tampi
Sakramèn Maha-soetji. Poenapa veelvuldige
biecht inggih makaten? Boten. Ngaken dosa
saminggoe sapisan sampoen nama veelvul-
dige biecht. Poenika ingkang karembag ing
boekoe kasbat nginggil. Oegi kanggé tijang
ingkang sampoen ngetjakaken veelvuldige
biecht boekoe poenika meksa takih katah
paèdahipoen, awit saking saé lan mentesing
isi. Manawi tijang sampoen maos boekoe
poenika saha mangertos saestoe, boten badé
awang-awangan ngaken dosa saminggoe
sapisan.

Boekoe waoe ngrembag oegi poenapa
perloenipoen ngaken dosa kerep-kerep;
ngaken dosa poenika barang gampil, ana-
nging tijang asring damel ribeding badan-
ipoen pijambak. Santolan warni-warni oegi
kadjlentrehaken, oepami: akoe ora kober
ngakoe dosa kerep-kerep; perloené apa
ngakoe dosa kerep-kerep, wong kang tak-
akokaké pada baé, lan sapanoenggilanipoen.

Soemangga dipontjobi: temtoe boten ge-
toen ta sampoen. Boekoe kandelipoen 63
katja, mangka regi namoeng f 0,15 (gangs-
sal welas sèn); manawi moendoet 100 namoeng
f 0,13; manawi 500 namoeng f 0,11 (sa-
welas sèn). Mangga para leideripoen para
moeda; poenika wonten mirah-mirahan. toer
saé saestoe; saged moendoet dateng Uitgever
H. J. Dieben Wassenaar Holland.

CORRESPONDENTIE:

Abn. no. 502 pandjenengan ma-
ringi f 4 poenika rak kanggé Sw.
Tm. ta? Matoeer noewoen.

Karangan sanèsipoen kapeksa ka-
sranantosaken roemijin, sebab saking
kathahipoen copie.

A. Dj. Toeri sampoen kaéwahan.

Abn. 495: inggih; mila sampoen,
namoeng samanten; — tjobi ichtijar
sagedipoen wewah malih.

Pangadjak Administratie ing Sw.
Tm. no. 31 wihipoen NIHIL.

PAREPATAN COMMISSIE TATA-TJARA INGGKANG SAPISAN ING SOERAKARTA.

Awit saking wontenipoen rembag badé pambagoenipoen TATA-TJARA, ingkang dipoadani déning Centraal Commissie ing Moentilan, K. W. ing Soerakarta sampoen andapoek Commissie ingkang kapatah njinaoe bab TATA-TJARA waoe, sarta sampoen kalampahan papanggih ingkang sapisan nalika dinten Ngahad kaping 3 Agustus poenika. Warganing commissie inggih poenika:

1. R. M. Ng. Hardjasmita Voorzitter.
2. J. B. B. Djajaotama Secretaris.
3. R. Atmapranatan Penningmeester.
4. R. Soegita (goeroe agama) Commissaris.
5. Th. Martasodirdja Trissen.

péngetaning papanggihipoen commissie waoe kados ing ngadap poenika.

Voorzitter medar sabda: Saklangkoeng noewoen anggenipoen kapidji dados pangad-jenging commissie. Nanging pamedar sabda roemaos kawekén ing manah, kados poendi anggenipoen badé toemindak netepi wadji njinaoe bab TATA-TJARA waoe. Leres pamedar sabda tjtang ing Soerakarta asli, mangka ingkang badé dipoensioemo inggih TATA-TJARA ingkang oemoem kanggé wonten ing Soerakarta, ing panginten mesti saged andajani, nanging sajektosipoen boten makaten, pamedar sabda ngroemaosi taksih tida-tida sanget dateng bab wontenipoen TATA-TJARA. Awit saking poenika pangad-jenging-adjengipoen pamedar sabda, sagedipoen kasembadan ingkang kasedyakaken, boten lija moegi para commissie sami kapareng sasarengan njamboet damel kanti toeloosing penggalib, karsa saraséhan pamanggih sarta anggelaraken seserepan, ingkang gagajetnan kalajan wontenipoen TATA-TJARA, djer inggih amoeng sarana njamboet damel kados makaten poenika ingkang kenging kanggé oelar-oelar, saged andajani gampil kasembadan poenapa ingkang kasedyakaken, wekasana saged damel palapoeran dateng K.W. soekoer bagé anotjogi, botenipoen amoeng sageda mirib kados ingkang dados pangad-jenging-adjengipoen central-commissie. Parepatan ladjeng kabikak.

Sadèrèngipoen wiwit rerembagan, Voorzitter medar sabda, kirang langkoeng makaten: Para sadèrèk, ingkang badé dipoenrembag poenika bab wontenipoen TATA-TJARA, ing mangké prajogi dipoensioemerepi roemijin poenapa ta ingkang dipoenwastani TATA-TJARA?

Kaoeningana, bilih boten kalèntoe pamanggih koela, TATA-TJARA makaten tjtang saking TATA lan TJARA, sakalih-kalihipoen poenika tegesipoer sami déné ADAT, amoeng wonten bédanipoen, inggih poenika: TJARA makaten ADAT ingkang tekisih kasar, dijalaran saking pandoeiking kabodajaan ingkang oegi taksih kasar. Déné TATA poenika ADAT ingkang sampoen winagoeng déning pangrehing kabodajaan ingkang sampoen aloes, mila ladjeng wonten tetemboengan: DESA MAWA TJARA, NEGARA MAWA TATA. Makaten poenika pasaksenipoen tjtang kasoemerepan, saking TJARANipoen tjtang doesoen bédan sanget jèn katimbang kalajan TJARANipoen tjtang Nagari (Pradja), déning TJARANipoen tjtang Nagari sampoen winagoeng ing pamrajogi toewin katata ing kasoesilan, mila ladjeng boten nama TJARA, nanging nama TATA.

Wontenipoen TJARA toewin TATA ingkang kalantoe toemindak kanggé ing djam samangké, poenika panginten koela doemadosipoen ing kina boten saking paksan, kadamel déning tjtang satoenggal kalih, nanging doemados saking kadjengipoen pijambak, saking sakedik manoe paribawahan djam, sarta miteroet dadasaring kabodajaanipoen tjtang ing sadjaman-djamanipoen, tjondongipoen kalajan watek ing satoenggal-satoenggaling panggenan, katitik saking wontenipoen TJARA ingkang kalampah ing doesoen-doesoen, poenika ing satoenggal-satoenggaling talatah (tanah) boten mesti sami. Makaten oegi TATA, ingkang toemindak ing satoenggal-satoenggaling Nagari, inggih boten mesti sami kalajan TATA ing Nagari sanèsipoen.

Para sadèrèk, manawi boten kalèntoe seserepan koela, doemadosipoen TJARA toewin TATA, poenika nitik saking kawontenanipoen, tètela bektan saking dadasaring kapitadosan, inggih poenika Agama, toewin lampahing kabodajaan. Awit saking poenika dados sampoen tètela bilih kawontenanipoen TATA-TJARA, poenika goemantoeng wonten mingsad-mingsading kapitadosan, lan saking madjeng moendoering kabodajaan. Terangipoen: Sak oegi kapitadosan mingsad, kabodajaan ewah, kawontenanipoen TATA-TJARA inggih ladjeng mingsad, ewah oetawi terkadang santon babar pisan.

Kados ingkang sampoen kalimah, TATA-TJARANipoen tjtang gadah damel mantoe, poenika miteroet ing tjarijos, tjtang bilih toetoroetan saking kapitadosan nalika tjtang Djawi taksih Agama Boedda, kadosta:

- A. Temanten mawi kembang majang toewin patah, poenika TJARANipoen tjtang Boeda ingkang manambah Agama WISNOE.
B. Tjtang ingkang manambah Agama BRAHMA, warganing temanten dijaler èstri sami mataja (djodjodan), kate-lahanipoen doemoegi samangké kanggé pasamoewan tajoe.
C. TJARANipoen tjtang Agama BAJOE, temanten èstri sami aririmong waring, ingkang samangké santon warni sindoer, ingkang nganggé tjtang sepoehipoen temanten èstri.
D. TJARANipoen tjtang Agama SAMBO, temanten èstri ngidak-idak bekakas among kisma, temanten dijaler ngidak-idak bekakas tenoentan.
E. TJARANipoen Agama KALA, babadoedan.

Wekasana doemoegi ing djam samangké, TJARA-TJARA sadaja waoe dipoenwor dados satoenggal, sarta sami dipoenanggé sadaja, dalah TJARA BABADOEDAN inggih meksa boten dipentilar.

Nalika djamanipoen tjtang Djawi kabodadan taksih ngolah-ngalih panggenan, déning taksih katah peperangan, TJARANing panembahipoen tjtang ing djam samanten, kados ingkang kaseboet A. B. C. D. lan E., tjtang waoe ing sagolonganipoen pijambak-pijambak sami damel wawangoenan grija alit saroepti djoli, ing lebet dipoenwonteni artja pepetaning Djawata ingkang dipoensembah pijambak-pijambak. Kalajan toemindaking TJARA ingkang kados makaten, tjtang waoe ladjeng boten pakèwed anggenipoen sami netepi panembahipoen dateng ingkang dipoenpoendi, déning grija wawangoenan doemoenging poepoendénipoen kenging dipoenbeka alijan sawantji-wantji kalajan gampil. Nanging ing alami-lami, sareng djaman sampoen tentrem, tjtang ing golongan waoe ladjeng sami jasa papan pamodjan pijambak-pijambak, inggih poenika

ingkang dipoenwastani PRASADDA (Tjan-di). Poengkasaniipoen TJARA ingkang makaten poenika bokmanawi doemoegi djam Madjapait, dijoemengipoen Praboe BRA-WIDJAJA ingkang wekasana. Woewana sareng tjtang Djawi santon kapitadosan, ngrasoek Agama Islam, saking pamiloetanipoen tjtang bangsa ARAB ingkang ambabara dateng tanah Djawi, kawontenanipoen TATA-TJARA inggih ladjeng ewah, ingkang katah ladjeng tjaroer wor oetawi karangkep-rangkep kalajan TJARA ingkang gagajetnan kapitadosanipoen Agama Islam. Inggih boten kadosa anggenipoen ambodojo.

Doemoegi samanten kados sampoen tjekap anggen koela (Voorzitter) anggelar pamanggih bab ewah-ewahing TATA-TJARA. Awit saking poenika, sareng samangké wonten ada-ada saking sadèrèk Katholiek, soemedia njoeemerepi sawarnining TATA-TJARA ing satoenggal-toenggaling panggenan, sarta badé kabangoen ingkang saged salaras kalajan kapitadosan kita Katholiek, poenika koela saklangkoeng mangajoebagja. Amoeng koela ngengetaken, sarèhning tètlanipoen kawontenaning TATA-TJARA Djawi poenika mèh sadaja toewoh saking dadasaring manah ingkang taksih loemèngkèt dateng goegon-toehon, inggih poenika kados ingkang sampoen kwatir ing boekoe TATA-TJARA, karanganipoen Ki Padmasoesastra inggih Wirapoestakan. Mila panjinaoipoen sarta badé pambangoenipoen, moegi ingkang salesih dipoensoemerepi, TATA-TJARA poendi ingkang boten tjengkah kalajan dadasaring kapitadosan kita Katholiek, (pamanggih koela pijambak mèh sadaja tjengkah). Bab poenika ingkang langkoeng tjtang saged paring wedaran, boten lija kadjawi sadèrèk Soemadisastran, Pangreh P. K. W. ingkang wekdal poenika kapareng minisepoehi parepatanipoen Commissie, moegi kapareng paring soesoeloe soepados Commissie boten tida-tida anggenipoen sami toemindak ing wadji.

Sadèrèk Soemadisastran ladjeng anggelaraken sarta nerang-nerangaken bab sadya toewin toedjoewanipoen Centraal-Commissie ing Moentilan, ngantos para Commissie damang oetawi mangretos badé toemindakipoen ing wadji.

Sasampoening karembag sawatawis gobjog, Voorzitter ngatoeri pamrajogi, moerih angampilaken saged pikantoe lasing rembag, para Commissie kaswoewen sami damel tjaretan pijambak-pijambak ing sapikantoeipoen, mawi katerangna sabab-sababipoen kenging dipoenanggé oetawi boten toemrap kita Katholiek. Parepatanipoen malih kaangkah salebetipoen mingsoe ingkang kaping III, para Commissie sampoen sami mirantos tjatetan waoe, déné dinten tamtoening parepatan malih badé dipoenatoeri priksa déning Secretaris.

Woewana parepatan katoetoe, kanti wilodjeng.

PAREPATAN MARIA-MEDIATRIX AMBARAWA.

Pakempalan kasbat ngawontenaken parepatan warga nalika tg. 21 Juli 1930 ing Wignjaamaran, ingkang rawoeh 17, sanèsipoen alangan. Inggih kapoetoes:

- 1e. badé njaois geschen dateng rama G.A.
2e. badé oeroen f 5 dateng Schakelschool Madjoen (Jasan P. P. K. D.).
3e. njoeuwanen H. Mis lan njembahjangan kanggé Fr. Tjipakoesoema, ingkang badé tindak dateng nagari Welandi.
4e. njembahjangan lan Communie kanggé Fr. Soemarna.
5e. Dana handwerkstukken dateng gréda ing Goentoer Geni.

P. S. Lantaran serat kabar Swara-Tama poenika Maria-Mediatrix ngatoeraken „soe-geng tindak” dateng pandjenganganipoen Fr. Soemarna. Boten sanès kita namoeng badé doemoeroeng ngrentjangan sambahing lan tampi Communie kanggé pandjengangan amrih widadaning tindak doemoeging koendoer.*)

PAREPATAN OMOEM K. W. ING BLITAR.

Manggen ing Internat tg. 10-30 wiwit djam 9.15 — 12.45.

Inggik rawoeh Rama Parampara, warga K. W. 13, tamoe 30, lan Rama Pastoor ing Blitar.

Agendanipoen.

I. Pamboeka: déning pangarsa kados adat saben.

II. Maos notulen:

Wonten pitakènan bab Schakelklas. Wangsoelanipoen boten èstoe madeg, awit boten dipoenroedjoeki déning bestuur Joh. Gabriël. Kedjawi poenika, ngabsahaken benoeman commissaris (djoeroe noepiksa) G. Moertinem, ingkang dèrèng kababsahaken kala parepatan kapengkep.

III. Pangroekti Laja: toedjoenipoen:

1. Ngopakara lajoning warga, manoe tata-tjara Katholiek; langkoeng-langkoeng ngadjengaken pedjahipoen.

2. Ngetingalaken karokoenanipoen para Katholiek, toetoloeng baos soekoe toewin arta dateng warga ingkang kasripahan.

Pakempalan toeros madeg. Pangarsa lan panitra toenggil kalijan K.W. hartaka pijambak. Ladjeng pilihan hartaka. Inggik kapilih G. Moertinem. Déné prenat (notulen) badé karembag bédjeng jèn wonten parepatan Pangroekti Laja.

Warga kabédakaken dados 2. I Warga pokok. II Warga bathi. Warga pokok wonten 12.

IV. Krida Witjara: (poenika nama voorloopig). Inggih poenika pakempalaning para moerid (laré ingkang dèrèng tjepeng damel). Toedjoenipoen:

1. ngGegoelang soepados para warga noelada toelada saé, sarta soeka toelada dateng para kanti-janipoen.

2. Sinaoe mitjara (gineman manoe toewatoning basa ingkang leres kanti kendel).

3. Ngetingalaken karokoenaning para warga.

Oesoel poenika dipoenroedjoeki déning K. W. lan para tjalon warga kasebat (Krida Witjara) mila ladjeng toeros madeg. Déné pilihan bestuur lan prenat, badé karembag bédjeng jèn parepatan Krida Witjara. Sarèhning poenika parepataning laré, mila dipoenwonteni Raadsman, ingkang kapilih sesepoehing Blitar: Heer C. J. Sindoeprawata.

V. Krida Arta (spaerclub). Toedjoenipoen:

1. ngGegoelang njèlengi dateng para warga.

2. Mitoloengi para warga ingkang betah arta samangsa-mangsa, sarana njamboeti. Oesoel poenika katampi (dipoenroedjoeki) ladjeng madeg ing dinten poenika oegi.

*) Koela matoer noewoen sanget dateng soemangan pandjengangan sadaja. Soemarna.

Pangarsa-Heer C. J. Sindoeprawata, Heer A. S. Martasodarma hartaka, R. S. Rahadi panitra.

VI. Studiefonds ngabsahaken statuten. Toedjoenipoen:

1. Ngragadi anaking warga ingkang sekolah dateng ladjenganipoen H. I. S. lan angka II.

2. Mitoloengi laré Katholiek oet. tjalon Katholiek ingkang pinter, nanging sèkeng, ingkang nglebeti pamoelangan kasebat.

Wonten satoenggiling laré H. I. S. ingkang sampoen keladjeng dipoenragadi, poenika kaladjengaken.

Tjtahing warga lan Zelateur mindak. Hartaka lami ingkang sampoen ngasta 2 taoen Heer S. J. Harjana, masrahaken arta lan pedamelanipoen dateng hartaka énggal Heer C. J. Sindoeprawata kanti matoer noewoen.

VII. Pitakènan: Heer C. J. Sindoeprawata gadah oesoel, soepados K. W. ngwontenaken pakempalan ingkang ngrembag roewet-rentenging para warganipoen.

Oesoel katampi déning K. W.

Heer Hardjadalsa gadah paneda, soepados K. W. mitoloengi ngoepadosaken dana kanggé Schakelschool ing Ngawi ingkang kekiranangan arta kanggé mbajari goeroenipoen. Poenika prajogi soemangga dipoenoloengi. Adresipoen dateng: R. K. Pastorie Madjoen.

Djam 12.45 parepatan katoetoe kados adat.

Verslaggever

POENAPA SAMPOEN DJAMAN- IPOEN?

Kala dinten Ngahad tg. 3-8-'30, kleres koela saking Salaita medal Bawèn. Wonten Bawèn koela soemerep satoenggiling prijantoe Djawi sadjak Njalani: Noewoen, noewoen; wiwironipoen inggih mifiet, badé tindak dateng Poerwardja; dipoenontabaken prijantoe poetri 1 kakeong I. Tetijang ingkang wonten bis sadjakipoen sami tjingak sareng prijantoe kasebat (ingkang badé tindakan waoe) nitih bis, sadèrèngipoen bis pangkat, prijantoe waoe ngetjakaken tata tjara ingkang kados² bangsa kita Indonesia dèrèng (poenapa boten tegel nindakaken), mangka tik wonten mergi ageng tiningalan ingakatah. Kanggé sakoea boten saged ngagas kados-poendi kados-poendi; rehning koela tjtang redi, boten ngertos lèr kidoel, badé ngagas tik ngono, mangké gèk sampoen tjaranipoen. Mila sareng wonten bis koela dipoendjak raosan kalijan satoenggiling prijantoe Magelang, namoeng saged matoer, bokmanawi sapoenika sampoen djamanipoen (ning inggih alon-alon lo, tjtangipoen wonten). Sanadjan sapoenikaipoen sampoen kenging dipoenwastani djaman kemadjengan, sa-soemerep koela kados dèrèng wonten bangsa kita Djawi manawi badé tindakan mawi ; kados tjaranipoen bangsa kilènan; namoeng koela inggih boten saged ngoegemi sanget-sanget, awit, inggih poenika waoe, sampoen koela atoeraken manawi koela poenika tjtang redi boten soemerep lèr kidoel, namoeng koela borongaken para maos; koela badé njoeuwanen priksa doemateng para maos oetawi rama Red.,*) poenapa inggih sampoen djamanipoen, dados bédjeng saopami koela kepranggoel lelampahan kados mekaten malih, ladjeng dipoendjak reraosan prijantoe sanès sageda soeka katingkas. Sampoen samanten kémawon; poenika kabar sekedik malih, namoeng mlèntjeng kalijan nginggil: kala dinten Ngahad tg. 3-8-'30 ndaloe (malem Senèn) ing Taloe (onder Doekoen) wonten Tjina badé kerengan, malah ingkang satoenggal sampoen ngoenggelaken pistoele ambal ping 2 poenapa 4, boten patos terang; meng-gah prekawisipoen kabar namoeng (saking pandjenganganipoen ndara sitèn pijambak) djor-djoran (cong-kirèn) prakawis dagangan.

Ing pangangkah kados inggih sami wonten ing poendi-poendi; ingkang satoenggal (ingkang lami) ngarah soepados sanèsipoen waoe bangkroet; dados ing ngrikoe la-

*) Kanggé kita Indonèsia, senadjan ing bédjeng sampoen madjeng sanget, boten badé saged oemoem tjara ingkang pandjengangan kersakaken poenika. Red.

NGOEPADOS
réntjang èstri (sokoer Katholiek), tjekap ing oemoer, mrantasi pendamelan ing pawon toewin kenging pinitados momong laré-laré.
Kanggé fam. J. C. O. Hadiwardaja Pagilaran Pekalongan.
Blandja: f 5.— sawoelan. Neda toewin tilem nglebet. Katrangan dateng ADMINISTRATIE Swara Tama.

Kangge poenapa blanco postwissel?
mriksanana Swara-Tama katja 2
Sampoen damang?
Tjobi dipoenisèni:
ladjeng kakintoena wangsoel!

djeng saged ngidjèn. Satoenggalipoen rehning énggal-énggalan, toer taksih alit, roemaos kawon, ngadjak accoord, manawi barang A kasadé f 0,15, sageda f 0,15 sadaja, namoeng ingkang lami boten tjara énggal njadé f 0,15, lami njadé f 0,14 of f 0,13, temtoenipoen pannoembas inggih milih ingkang mirah; manawi klampahan makaten sateroesipoen pannoembas oentoeng; poen tjina énggalan waoe temtoenipoen ladjeng boentoeng, dados tjina lami kadoemoegèn sedyanipoen. Poen pannoembas seneng mirahipoen.

Namoeng kémawon, manawi klampahan ingkang énggal pedjah temtoenipoen ingkang lami badé mlangkringaken reregènipoen; awit ngras boten wonten sanèsipoen, dados tjtang toembas inggih ladjeng kapaksa nnoembas awis malih.

Sapoenikanipoen prakawis dèrèng rampoeng, taksih wonten ngastanipoen poelis.

Kesoepèn sakedik. Pistoele waoe sanalika ladjeng kapoendoet kalijan bandara asistèn.

J. KOES.

F 30.000 ... SAKING MOSKOU???

Sampoen oemoem wonten ing serat-serat kabar, bilih ing Soerabaja wiwit sapoenika saweg dipoendamel satoenggiling gedong nasional, ingkang wragadipoen kabar badé nelasaken arta f 250.000. Inggik makaten poenika nandakaken jèn sifat Inlander poenika sarèhning inggih MANOESA, dados inggih nggadahi initiatief kados salimrahang manoesa, lan saged nedahaken kati-jasanipoen. Paribasanoen Djawi sampoen wonten: *giri loesi djanman kena kinira* , dados toendonipoen asring *njolong petèk*!!

Satoenggiling bapa soemerep anakipoen saged jejasa poenapa-poenapa kanti opor-opor bèbèk, mesti ageng lan marem manahipoen! Boten nggadahi koewatos malih manawi anakipoen badé ndaloeja, mila inggih boten rangoe-rangoe malih, mewahi pawitan dateng anakipoen kanggé bawa pijambak, soeprih dados berbanahan!!

Lo, poenika sipating bapa dateng . . . anak!

Nanging poenapa panganggepipoen kaom madjikan dateng si „kebawah kaerèh” oegi kados déné bapa dateng anak?? Boten saged matoer getjosipoen! Jèn saged makaten, mila saé sanget!! Nanging nitik feit-feit ingkang kita alami saben dinten, zegge: plus minus tigang atoes taoen, walahoelalam; kados-kados kok tebih sanget Oepaminipoen: pamaréntah sampoen mangertos terang bilih economiening ra'jat dèrèng saé; poendaking ra'jat sampoen awrat sesanggenipoen , éwadéné badé dipoenwewahi tambahan paos Inggih sampoen dados nasibipoen kaom terdjadjah. Saking poenapa? O, boten sanès dajaning: „koloniale politiek”.

— o —

O, malah-malah — inggih tjtang dasar si Inlander — tampi soedjana,

lah malah kepara sajektos!! Boekti??? Soemangga kateroesaken roemijin!! Kabar gotèking akatah, kanggé kaperioeanipoen gedong nasional, wonten satoenggiling tjtang *ingkang namanipoen kanggé wados*, oeroen dana arta f 30.000 (zegge tigang dasa ewoe roepijah).

Arta f 30.000 sarta „tjtang ingkang njoekeani” rehning kadamel wados, (manoe serie artikelipoen Dr. A. R. ing B. T. ingkang kapetik déning D. K. no. 172 tg. 31 Juli 30) waoe, déning kaom koloniale politiek dipoensoedjanani. Boten mèmper jèn Inlander saged ngedalaken arta dana samanten Kabariipoen koloniale politiek badé ngoeroes saking poendi arta f 30.000 waoe; awit manawi saking satoenggiling Inlander mokall*) Malah ingkang langkoeng njolok mata, arta waoe kakinten saking Moskou!?!

Hm, dados pandakwa ngrika dateng Inlander ngrika kakinten taksih sami gandéngan kalijan Moskou, alias Inlander dipoenkoewatosaken ngoeiminist!!

Jèn boten saking Moskou, poenapa anggenipoen njolong saking Landskas?? Ta rak inggih kesangneten!!! Ladjeng ndakwa pandoeng dateng si Inlander. Kodjoer ané . . .!!

Manawi sampoen terang dédé arta pandoengan, koloniale politiek kedah ngréka daja soepados economie-ning si Inlander saja kedèjèk-dèjèk; saja rekaos dados boten saged anggoelawat, kantoen gereng-gereng, gampil dipoenereh Srananipoen??

Stop H. I. S.! Sadaja pamoelangan Inlander klas II kadadosna volkschool; Paos kaidaknal!! Pasenstelsel (kamardikan toemrap kekésahan) katindakaken, (dados tjtang kekésahan boten saged sakarsa-kersanja), lan sanès-sanèsipoen

Mangga dipoenemataken rak manis sanget politiekipoen koloniale poenika!! Poenapa ingkang makaten poenika boten ngobong manahipoen si Inlander, sarta ladjeng ngatahaken tjtahipoen golongan NON???

Éwa déné makaten poenika inggih wonten saénipoen kanggé si Inlander; ingkang poenika minangka petjoet moerih si Inlander saja gijat nggre-goet nggrengsens mangarah dateng kamardikan, sarta saja kandel pitadosipoen dateng diri sendiri. Dados kados déné dipoenraboeki, mesti saja ngremboejoeng.

Koela pitados bilih pamaréntah poenika inggih witjaksana; mila koela inggih pitados bilih pamaréntah boten badé goemampil nindakaken poenapa-poenapa ingkang boten ngadil kados tindesan ingggil poenika!!

Poen mangoedi moelja.

! ? !

KABAR WARNI-WARNI.

Saking Kedoengwoeni S. C. S.

Nalika tanggal 6 woelan poenika K. Toewan Assistent Resident Pemalang rawoeh ing Kawedanan Kedoengwoeni perloe ngrembag (nerang-nerangaken) volkstelling dateng kanti-jan-kanti ing Kedoengwoeni. Nalika samanten ingkang ngadep: para A.W. ing district Kedoengwoeni (Bodjong, Wonopringgo lan Pagoemengan) pepak sadjoeroe serat, loerah, tjarik sarta para tjalon Periode-teller lan momenteller. Kedjawi poenika S. O. dalah Gd. sadistrict Kw. dados volkschool Kw. katoetoe. Kanti pamoelangan angka kalih ingkang koela soemerepi: Bodjong Mg. lan Gb. 1, Wonopringgo Mg. lan Gb. 1, Pagoemengan namoeng Mg., Kedoengwoeni Gb. 2 (Mg. boten) pamoelangan kl. 2 boten liboer. Ing Bodjong kl. V katoetoe klas sanèsipoen mlebet kaasta kanti-jan Gb. Djam 10,15 tapoe, djam 1,45 rampoeng kanti wilodjeng.

Moegi-moegi volkstelling moerakabana dateng kawoela sapradjanipoen.

Mila ingkang ngatos-atos! Malem tanggal 7 woelan poenika Loerah

*) Panginten makaten poenika wonten èmpoeripoen. RED.

Ketjatang (Bodjong) njoemerepi nulis-
schrif Baros (Batang) wonten
ing grijanipoen tlèdèk.

Sarèhné naté nampi dawoeh bilih
prijantoen waoe dados beboedjeng-
anipoen negari, mila sanalika mi-
terang ingkang A.W. déné h.s.
waoe kapasrahaken dateng poeng-
gawa doesoen 3.

Jektos h.s. taksih dados padosan,
mila kadawoehan njepeng. Djeboel
... prijantoen waoe tindak kalijan
sang wawaranggana, boten dipoen-
gondèli. Mila sampoen lajak kémawon
manawi ingkang djagi waoe tampi
antjaman: kètjatan srémpang. Ma-
katen pawartos ingkang koela pirem.

Paroendan (Gredoe-dam=tétékan)
ing distrik Kedoengwoeni, dipoen-
dandosi (dipoensantoeni), pajon
sèng, pager gebjog, djrambah mestèr;
saka gebjogipoen tjèt-tjètan. Ingkang
sampoen rampoeng wah pèni jektos.
Na makaten ngétingalaken kekijatan
kita. Panjoewoen koela rimatanipoen
kasentosanana pisan, sampoen ngan-
tos: bisa jana, ora bisa mijara. Ka-
djawi poenika, loeroeng-loeroeng
ing pakampoengan doemoegi ing
doesoen-doesoen ingkang tebih sa-
king kita oegi sampoen wijar-wijar
(ngalih mèter), kénging kaambah
motor oetawi toempakan sanèsipoen.

Minggoe 10-8-1930 lajonipoen
Sieng Song marasepoehipoen Dr. Ir.
Tan Ho Tjong Volksraadslied, kakoe-
boer, ingkang ngiring katah sanget,
(motor 200, bis 10). Makaten pa-
wartos ingkang koela tampi.

D. S.

Tandingan bal-balan.

Kala tanggal 2-8-'30 djam sate-
ngah 6 ing aloen-aloen Moentilan
sampoen ramé taroengipoen sadèrèk
P. A. M. S. mengsah para tjalon
Rama ing Seminarie Kotabaroe.
Presasat sedaja moerid ing Pas-
toeran Mtl. sami ningali. Padoeka
para Rama Pastoor inggih mriksani.
Tijang ndjawi Pastoeran inggih
katah ingkang ningali. Koela inggih
ningali nanging dateng koela sam-
poen boten soemerep tapoehipoen.
Kabaripoen ingkang dateng roemi-
jin „Ngajodja kalebetan ping 2
angsal nglebetaken ping sepihan.”
Mainipoen saé sanget; saking ke-
repipoen mladjeng ngantos wonten
ingkang kram kémpolipoen.

Tijang dawah.

(Tjara Grabag kegoeloeng).

Kala Setoe tg. 9-7-'30 kirang
langkoeng djam 12 sijang, ing doe-
soen Poerwaganda bawah Kawe-
danan Grabag wonten tijang dawah
saking wit arèn. Inggilipoen boten
kirang saking 8 meter. Sanadjan
sitinipoen boten atos, tijang waoe
meksa inggih prewasa. Nitik ing-
kang kawon iganipoen, mestinipoen
dawah miring. Tatoe ingkang nge-
dalaken rah boten wonten. Ing
ngandapipoen wit arèn wonten da-
poeranipoen deling, dados inggih
wonten toenggak-toenggakipoen.
Begdja déné boten dawah ing
ngrikoe. Nalika poenika, tijang waoe
boten saged fileman mloemah oetawi
miring.

Rékanipoen tijang waoe badé da-
mel dérsan. Ing wit wonten da-
ngoenipoen 3. Wit waoe sampoen
dipoensoekani anda awoedjoed de-
ling 1 dipoenkowèk-kowèk minang-
ka tataraning wit arèn. Tijang waoe
saweg ngesiki doek-doek lan ti-
rahan bongkoking papah arèn, dje-
boel papah waoe tjepolipoen nga-
toetaken pijambakipoen. Tijang waoe
namanipoen Kasan Moechihi. Anak
sémahipoen pak Moechihi sami na-
ngis pating glero, djalaran kèngetan
ingkang sampoen.

Mandi sabdanipoen tijang sepoeh
ingkang moengel: „Awan-awan adja
memènèk, moendak tiba!”

GRÉDJA ÉNGGAL.

Para sadèrèk Katoelik Wlandi
Djawi ing Poerwakerta sapoenika
temtoenipoen sampoen marem, awit
sampoen roemaos kadoemoegèn pe-
pénginanipoen anggadhahi Grédja pi-
jampak. Nalika tg. 10 Agustus,
dados dinten Ngahad kapengker
poenika, Grédja énggal dipoenber-
kahi déning ngarsa dalem Kangdjeng
Biskop ing Betawi Mgr. A. v. Vel-
sen. Sasampoenipoen Grédja binaer-

kahan koerban Mis Soetji sapisanan
ing Grédja ngrikoe wiwit kaoen-
djoekaken déning pandjenenganipoen
rama pangèn ing Poerwakerta mawi
pambantoe kalih.

Ing tengah-tengahipoen Koer-
ban Mis ngarsa dalem K. Biskop
paring piwoelang, ingkang maksoed-
ipoen anenangi manahipoen sadèrèk
Katoelik ing Poerwakerta saha sa-
kiwa tengenipoen ngrikoe, soepados
kerep sowan Grédja, ingkang sapoe-
nika sampoen dados. Kados déné
roemijin Goesti Allah lerep ing Pa-
daleman soetji, jasanipoen sang Pra-
boe Soeléman, makaten oegi sapoe-
nika Goesti Allah inggih lerep ing
Grédja ngrikoe, malah langkoeng
wigatos katimbang roemijin, awit
sapoenika Pandjenenganipoen ang-
gènipoen lerep asesinglon warni
Sakramèn Maha-soetji, ingkang da-
dos poesering gesangipoen tijang
Katoelik; pramila sasaged-saged ti-
jang Katoelik kedah kerep sowan
saha tampi Sakramèn Maha-soetji,
minangka piwales doemateng Goesti,
ingkang tresna sanget dateng koela
sadaja.

Kinten-kinten djam 10 koerban
Mis-soetji rampoeng; toemoenten
receptie wonten ing pastoeran. Ta-
moe-tamoe katah sanget; p. t. resi-
dèn ing Banjoemas; p. t. assistent
residèn ing Banjoemas; p. t. assistent
residèn ing Poerwakerta; k. boepati
ing Banjoemas; k. boepati ing Poer-
wakerta; prijantoen loehoer poenika
waoe sadaja sagarwanipoen pisan.
Déré tamoe sanès boten soesah
koela atoeraken sinten; sampoen
tjekap manawi koela matoer: ingkang
rawoeh sadaja katah sanget, ange-
baki Grédja.

Ing ngriki koela boten badé njan-
dra Grédjanipoen; bokmanawi bèn-
djing manawi wonten wedalipoen;
sapoenika koela namoeng badé nge-
dalaken mongkoking manah koela,
déné sadèrèk ing Poerwakerta sami
roekoen roedjoek saéka kapri, lela-
janan njamboet damel seserangan,
Wlandi Djawi sami riboet toeman-
dang ing damel. Saking pangadjeng-
adjeng koela sageda makaten ing
sateroesipoen soepados saged nenarik
tijang Djawi, ingkang dèrèng ngertos
dateng wontenipoen Agami kita.
Moegi-moegi Grédja, ingkang nembé
binerkahan poenika anjawabi tijang
ing sakiwa tengenipoen ngrikoe,
saha dados pangogèngsèning sadèrèk
koela Djawi Katoelik, ingkang sa-
soemerep koela radjin, sregep lan
tawekel, langkoeng-langkoeng pa-
sadja sanget ing sadajanipoen; pan-
tes kanggé toelada.

Saking Moentilan.

Béndjing tg. 15-8-1930 kleres
riaja dalem Déwi Marjiah kapendoet
dateng Swarga; ing Pastoeran Moen-
tilan badé wonten processie (arak-
arakan Sakramèn Maha-soetji). Sa-
mangké para siswa ing P. A. M. S.
lan N. S. saweg sami riboet damel
pepadjangan kanggé ngrengga margi-
margi ingkang tjalon kaambah Sang
Maha Sakramèn. Pamoeedji koela
moegi anggénipoen ngrengga margi
lan altar pinarakan (rustaltaar) sam-
poen ngantos koetjiwa. Saking pa-
nginten koela ngengrenging padja-
ngan tjalon langkoeng pilah katim-
bang kalijan kala poen panjerat
taksih asring toemoet ngrengga.
Soekoer jèn rerengganing arak-
arakan saged sairib rerenggan arak-
arakan ing kita Boxmeer kados
ingkang kawrat ing Sw. Tm. minggoe
wingi.

WAWASAN BOEKOE.

Saking toko boekoe J.B. Wolters,
redactie tampi boekoe „Sari Swa-
ra” I, karanganipoen Ki Hadjar
Dewantara, regi f 1,25 (samak tipis)
oet. f 1,50 (samak kandel).

Boekoe poenika kanggé moe-
langaken sesekaran Djawi ing grija
lan pamoeangan isi sekaran laré,
sekar matjapat, sekar gending toe-
win lagon.

Sinten ingkang mangertos aosing
piwoelang sekar kanggé nglebetaken
wawarah toewin soeraos, mesti boten
owel amboetjal arta sakedik kanggé
toembas boekoe waoe.

Boekoe poenika mawi andjalèn-
trèhaken sakedik prakawis larasing
gending (gamelan). Sekar-sekaripoen
mawi kasoeakan titi laras (noot),

TOETIBOEDHIATI, sadèrèk paredèn;
tanda jèn boten oemoek-oemoekan,
nanging meenens alijas temenan, sam-
poen asok djrèng f 50 (sèket roepijah)
dateng Administratie. Taksih sanggoep
mewahi malih. Sinten noetoeti?

nanging noot waoe awawaton swan-
tening laras Djawi, (dados déné do,
ré, mi enz.).

Sekar-sekaripoen katah ingkang
isi piwoelang warni-warni, kapra-
wiran, kasoesilan, pamilihing pra-
djoeit, tetanèn lss.

Perloe koela pèngeti ing ngriki,
wonten prakawis ingkang boten
matoek kasoeakaken dateng laré,
i. p. temboeng gandroeng lan
gandroeng asmara, ing katja
50. Réhné semoenipoen ingkang
kalebetaken ing sekar ngrikoe pra-
kawis raos adi éndah, schoonheids-
gevoel (panjandra), mila prajogi
kapendetaken tjandra ingkang boten
anggepok prakawis makaten. Ka-
djawi poenika, wonten temboeng
sawatawis ingkang lepat pangetjap-
ipoen, nanging para goeroe saged
ngleresaken pijambak.

Dipoen-gelaraken: bilih kanggé
mbangoen gesang énggal waoe, para
nénéman kedah boten nampik daja-
daja saking ndjawi ingkang mlebet
ing Indonesia; nanging daja waoe
kedah kalaras kalijan kabetahan kita,
sampoen ngantos nampik ngèlmoe-
ngèlmoe Éropah, awit kersanipoen
Goesti Allah maringaken ngèlmoe
waoe boten namoeng kanggé bangsa
Éropah. Daja (pengaroeh) saking
tijang sanès inggih mlebet mriki,
sampoen mesti wonten ingkang saé
lan ingkang awon, prakawis poenika
para moeda kedah waskita ing pa-
milih, sageda milih ingkang pantjèn
dados betahipoen Indonésia. Nanging
kedah tansah kèngetan bilih kita
gadadhad lan kaboeadjan pijambak.

Dipoentjarjosaken wonten moerid
T.S. ingkang kabangsanipoen r o e-
p a k, njengiti bangsa sanès: Wa-
landi, Tionghoa, sasaminipoen. Ing-
kang makaten waoe, boten saé babar
pisan, djer sadaja-sadaja sami déné
titahipoen Allah. Manawi wonten
nénéman ingkang kabangsanipoen
makaten, Ki Hadjar boten seneng
babar pisan, sarta tetep r o e p a k
kebangsanipoen. Nanging manawi
dipoentabok bangsa sanès, inggih
soepados sampoen ladjeng kèndel
kémawon, awit manawi wonten
djamman édan poenika tijang anga-
gengaken andap asor, ngalahani, sa-
laminipoen inggih tansah dados
tabokan.

Para nénéman soepados mendet
paloepi kawontenaning gamelan,
satoenggal lan satoenggalipoen ga-
dah bebahan pijambak; mila sam-
poen gadah manah mèri. Manawi
poen saron badé toemindak kados
gendèr, mesti badé ambibrahaken
gending, inggih gendinging ngage-
sang, ing salebeting gamelan tijang
kedah manoet diktatoripoen i. p.
kendang, semanten oegi ing djagad

pasrawoengan. Saladjengipoen, Ki
Hadjar anerangaken (mawi kasakar-
aken) wiraos lebet ingkang kawrat
ing serat „Sastra Gending” anggitan
dalem Soeltan Agoeng.

KONGGRÈS P. B. M. T. S.

Kala malem Rebo 12/13 Augus-
tus, P(erkoempoelan) B(ekas) M(oe-
rid) T(aman) S(iswa) ing Ngajogja-
karta ngawontenaken konggrès, di-
poendatengi tijang ± 500, wakiling
pakempalan 38, lan wakil-wakil
serat kabar.

Pakempalan ing daloe poenika
babar pisan boten kénging angge-
pok politiek.

Panitra nerangaken poetoesan P.
B. M. T. S.: a. nangsoeli tilas moe-
rid T. S.; b. ambijantoe T. S. (mawi
arta lan tenaga); c. ngedegaken ar-
beidsbemiddeling; d. ngawonten-
aken ondersteuningsfonds kanggé
laré T. S. ingkang badé neroesaken
sekolah, nanging ketjoepetan wra-
gad.

Sadèrèk Soeganda, pangarsaning
konggrès anerangaken dadasar adeg-
ipoen P. B. M. T. S., mawi anggepok
babad Indonesia.

Ki Hadjar Dewantara, ang-
gelaraken kawadjabanipoen parané-
néman dateng Indonesia. Kawadja-
ban waoe karings awoedjoed
pitoetoer: „koedoe ambangoen oer-
rip anjar” — „haroes membangoen-
kan pri kehidoepan baroe (samen-
leving) di Indonesia.

Sagedipoen makaten kedah njoe-
merepi (risakipoen) djaman sapoe-
nika, sarta pandjanmaning djaman
roemijin wonten djaman samangké;
perloenipoen ladjeng saged anam-
tokaken tandang ingkang kanggé
ambangoen gesang énggal (ing dja-
man béndjing) waoe. Dados para
nénéman kedah anjoemerepi kabar
Indonesia, djer ing ngrikoe ke-
dah tepa paloepi ingkang mikan-
toeki. Pamawasipoen pamedar sab-
da prakawis kawadjaban waoe,
kalaras kalajan dadasar panggoela-
wentah T.S., i. p. „panggoelawentah
mitoeroet garising gesangipoen ban-
gsa Indonesia, sarta ngangkah soe-
pados ingkang ginoelawentah mi-
goenani dateng Indonesia.

Pamedar sabda anerangaken ri-
saking djaman sapoenika, margi
sami kontjatan roh kabangsan, sa-
rana ngidoengaken panjandra risak-
ing djaman ingkang kawrat ing
serat Kalatida. Ing djaman risak
poenika katah nénéman isin ngaken
Indonesia-nipoen, oep. omong koe-
medah-kedah mawi basa Welandi
lss. poenika nama ngrisakaken adat
Indonesia pijambak.

Wasana medaraken warsita da-

teng para warga P. B. M. T. S., kedah
andjagi katentremanipoen pijambak,
katentremaning grijanipoen pijam-
bak, nanging sampoen nggaggoe
katentremaning sanès. Pamedar sab-
da ngéngtaken bilih kamardikan ing-
kang kasoeakakaken dateng siswa
T. S. poenika wonten watesipoen,
awoedjoed tijang sanès. Kanggé
anggaioeh kamardikan bab politiek,
laré nénéman kedah ngatingalaken
saged ngadeg pijambak, saged ne-
dahaken jèn saged mentas pijambak.
Wasana Ki Hadjar amitoetoeri: „A-
dja kepéngin pajoeing gilap. Tinim-
bang pajoeing gilap megap-megap,
loewih betjik pajoeing idjo, rojo-rojo!
Ora koerang wong noenggang mon-
tor mbrebes-mili, wong mikoel tjao
rengeng-rengeng”, lss. Sesorahipoen
Ki Hadjar sanget nenarik manah.

Sasampoenipoen poenika wonten
tijang sawatawis ingkang oeroen
rembag. Ingkang koela tjatet na-
moeng sesorahipoen sadèrèk Inajdi
anerangaken moendoeripoen pang-
gaotan ing ngriki poenika margi
tjetjag sami boten poeroen-nganggé
barang-barang wedalan ngriki awoe-
djoed tenoenan lss., malah sami
nganggé pantalon badénipoen we-
dalan pabrik Kilénan.

Parepatan wiwitipoen djam 9,
bikar djam 11,45 kanti wiloejdeng.
VERSLAGGEVER.

Tjepet! Tjepet! Tjepet!
Semoea-moeanja tjepet! Les
djoega spoed!

Toean ingin dalam hanja 2
taoen sadja soedah faham ba-
hasa Belanda dan soedah bisa
menempoeh Klein-Ambtenaars-
examen? Onkost hanja f 2,50 per
boelan, boekoe-boekoe semoea
gratis.

Mintalah ini hari djoega proef-
nummer Spoed-Cursus-Bahasa-
Belanda pada:

Inst. Zelfontwikkeling
Soerabaja.

MANTJA NEGARI.

TIONGKOK.

Wadybala Nanking, kala mang-
sah perang kalijan wadya Lèr wonten
Shantoeng, kawon, sarta ladjeng
loemadjeng dateng Thian Foe.

Barisan Lèr kètjatan njawa lan
tijang ketaton éwon, toewin mrijem
105. (Aneta Radio saking Berlin 8
Agostoës). Pawartos saking Han-
kow, njarijosaken bilih National
City Bank, tampi serat saking go-
longan kominis neda arta 100 ewoe
dolar, manawi boten dipoensoekani
badé ngrabasa kita ngrikoe. Ing
siti koekoeban Right Powerco, men-
tas wonten kominis kalih dipoen-
tjepeng, kadakwa panoenggulanipoen
tetjag ingkang amedoti kawat-kaw-
wat tilpoen.

Chang Teh toewin Hu Nan doe-
mawah wonten pangowasanipoen
kominis. Baita perang „Carado”
pangkat dateng Tiongkok kanggé
njantosaken baita Inggris ing ngrika.

PERSI.

Manoet pawartos, paréntah Persi
noelak panedanipoen Toerki bab
éwahing tapel-wates, lan éwahipoen
waoe badé saged njakétjakaken pa-
nempoehipoen Toerki, dateng bangsa
Koerden. (Bangsa Koerden sami
brontak nglawan Toerki. Bangsa
Koerden sampoen nempoeh grija-
grija Toerki ing Urfa toewin Amdin).

NEDERLAND.

Pangéran Takamatsu kalijan gar-
wa (prajagoeng Djepang), mertamoe
wonten Rotterdam, sarta lalangen
wonten tlaça Kager mawi baita.

Pangéran Damrong kalijan poetra
poetrinipoen, (sapoenika sampoen
bidal dateng Paris) kala wonten
Nederland, saking kapareng dalem
S. M. Poetri Wilhelmina kapatedan
bintang Grootkruis der orde van den
Nederlandschen Leeuw.

PARANGAKIK.

Salebeting pogokan ing Parang-
akik Lèr wonten pasoealajanipoen
golongan sosialis kalijan kominis.
Pakempalan sosialis trimah manawi
koeli-koeli dipoenindaki épanihipoen
f 0,25, golongan kominis meksa
kentjeng neda indakan f 0,50 sadinten.
Golongan kominis ngantjam badé
nindakaken tindak pari paksa dateng
golongan sosialis samangsa poeroen
njamboet damel.
Margi wontening pasoealajan poe-
nika, dajaning staking ladjeng soeda.
Golongan sosialis sampoen ngoen-
dangaken badé poeroen njamboet
damel malih wonten pabrik-pabrik
ingkang sampoen sagah ngindaki
épanih; kadjawi poenika badé nga-
wontenaken barisan kanggé andjagi
manawi dipoentempoeh golongan
kominis.

Lahir ing Gesiekan — Jogja,
kanti rahardja

Djoemoewah Pon 8 Augustus 1930
THOMAS ADIWAHJANA
Laré No. 3.

Bernarda Soekisni

Constantius Soeradi

SOERADIBRATA.

Hollandsche Neutrale School Kalitidoe (Bodjonegoro)

betah goeroe pambantoe, ingkang we-
dalan Kweekschool (kl. 3 vierjarige
cursus) langkoeng oetami ingkang sam-
poen praktijk. Diploma boten perloe,
waton gijat njamboet damel. Serat
lamaran dateng kepala sekolah.

KLEERMAKER ACHMAD

TAMBAKSEGARAN

SOLO

Pantji soedija kanggé para kakoeng
mawi modèl warni-warni; oegi nampi
welingan badé roepi-roepi.

DAMELANIPOEN NÈTJES:
ÉPAHANIPOEN PANTES.

EIGENAAR ACHMADJASIN